

ኔሄሚያ ማፃአፖ ዓይያ ካር

ኔሄሚያ ማፃአፖ ሃይሠ ቤሲ ፓቂነታኒ ዳንዳዓኔ፦

1. ዪሁዳ ዓጮ ዋይሠንዳጉዲ ፓርሴ ካኦቲ ዳኬ፣ ኔሄሚያ ሱኡጋቶና ዬሩሳላሜ ካታሞኮ ዲራ ዓካሲ ኮሺንቲ ሃይሴ ኬኤዛያኬ፤ ዬያ ሌሊቱዋንቲ ኔሄሚያ ዓሶኮ ዋላ ናንጎ ናንጎና ካኦቶና ጊንሣ ዓካሴሣ
2. ያኦሲኮ ዋጎ ማፃአፖ ዒዘራ ናባቤሣና ዴራ ፔኤኮ ጎሞ ቡኡፃሣ
3. ኔሄሚያ ዪሁዳ ዓጮ ዋይሠያ ማዒ ማዴ ሜሌ ማዶዋ ኬኤዛኔ።

ማፃአፔሎይዳ ዴኤፒ ማዒ ዴዳ ባካ ኔሄሚያ ያኦሲ ደዲ ጉሙርቄ ጉሙርቁሣንታ ዒዚ ሺኢቁ ሺኢዲሣንታ ሃይሴኬ።

ማፃአፔላ ዲማ ዲማ ዓርቄ ባኮ

ኔሄሚያኮ ዬሩሳላሜ ማዒያ (1:1—2:20)

ዬሩሳላሜ ካታሞ ዲሮ ዓካሶናሣ (3:1—7:73)

ዒዘራ ያኦሲኮ ዋጎ ናባቤሣና ዴራ ዋጎሞ ዓይሣንታኒ ጊንሣ ጫኦቁሣ (8:1—10:39)

ኔሄሚያ ማዴ ሜሌ ባኮ (11:1—13:31)

ኔሄሚያ ዬሩሳላሜ ዛሎ ያዪ ማሌ ማሊያ

1 ሃካሊያ ናኣዚ፣ ኔሄሚያ ኬኤዜ ባካ ያዲኬ፦

ዓርፄክሲሴ ፓሪሴይዳ ካኦታዴንቲ ላማታማሳ ሌዖኮ ኪሰለዎ ጌይነታ ዓጊኖና ታኣኒ፣ ኔሄሚያ ዴኤፖ ካታሞ ሱኡሳይዳ ዓኣኔ። 2 ዒማና ታ ጌርሲንሣዲፓ ፔቲ ሃናኒ ጎዖሣ ሜሌ ዓሲና ዋላ ዪሁዳ ዓጫፓ ታ ኮራ ሙኬኔ፤ ዬሩሳላሜንታ ዲዒንቲ ባብሎኔ ዔውቱዋየ ዓቲ ዓኣ ዓይሁዶ ዓሶንታ ዋዚ ዓኣቲ ታኣኒ ዔያቶ ያኦጩኔ። 3 ዬያር ዔያታ፦ «ዲዒንቲ ባብሎኔ ዔውቱዋየ ዓቲ ዓኣ ዓይሁዶ ዓሳ ዴኤፒ ማቶና ዳውሲንቲናይዳ ዓኣኔ፤ ሃሣ ዬሩሳላሜኮዋ ዲራ ሻሂንቲ ደዒ፣ ማርሾ ካራኣ ታሚና ሚቸንቲኔ» ጌይ ታኣሞ ኬኤዜኔ። 4 ታኣኒ ዬያ ቢያ ዋይዛየ ዴዒ ዬኤኬኔ።

ሚርጌ ኬሊያኣ ሙኡዚ ሃሺ ያዪ ታ ዴዔኔ፤ ዬካፓ ያኦሲ ታ ሂዚ ጌይ ሺኢቁኔ፦ 5 «ናንጊና ናንጋ ጎዳ ማዔ ጫሪንጮ ያኦዛሣ! ኔኤኒ ዴኤፒኬ፤ ኦኡኒ ዒጊቹሞና ኔ ቤርታ ዔቃንዳኔ፤ ኔኤኒ ኔና

ናሽካዘንሠንታ ኔኤኮ ዓይሠያ ካፓዘንሠንታ ዋላ ቢያ ጫአቃ ጫአቁዎ ኔ ካፓኔ። 6 ያኦሲዮ! ኔኤኮ ዓይሎ፦ ዒሰራዔኤሌ ዴሮኮ ዳቂንቶሮ ሮኦሮና ዋንቶና ታ ሺኢቃ ሺኢጲያ ዋይዜ፤ ታአም ማሌ፤ ኑኡኒ፣ ዒሰራዔኤሌ ዴራ ማዴ ጎሞ ታኣኒ ቡኡፃኔ፤ ጎኔና ታናንታ ታኣኮ ቤርታኣ ዓድንሠንታ ኑ ዳቤኔ። 7 ኔኤም ዋይዘ ዒዲ ኔኤኮ ዓይሠያዎ ቢያ ኑ ሄርቄኔ፤ ኔኤኮ ዓይላሠ፤ ሙሴ ዘሎና ኔ ኑም ዒንጌ ዋጎና ዳምቦና ኑ ካፒባኣሴ። 8-9 ዒንሠ ዒሰራዔኤሌ ዴራ፣ ታ ገንዖ ጉሙርቁሠና ዒንሠ ሃንተባኣቱ ሜሌ ዴሮ ባኣካ ታ ዒንሠ ዜርቃንዳኔ፤ ጋባንቱ ዒንሠ ሃንጋ ታ ባንሠ ማዒ፣ ታ ዒንሠ ዓይሠ ባኮ ማዲ ዒንሠ ኩንሠቶ ዴንዲ ዓጮኮ ጋፖ ሄላንዳኣና ዋዚ ዒንሠ ዜርቁንቱያ ማዔቲያ ታኣኒ ካኣሽከንታኒ ዶኦሪ ቤዘ ላሚ ታ ዒንሠ ቡኩሲ ዔኪ ሙካንዳኔ። ጌይ ኔኤኒ ሙሴም ኩኤዜ ቃኣሎ ኔኤሲ ማሌ።

10 «ናንገና ናንጋ ጎዳሠዮ! ሃኣታ ኔኤኮ ዓይሎኩ፦ ኔ ዴሮኬ፤ ሃያኮ ቤርታ ኔኤኮ ዴኤፖ ዋልቆና ዶዶ ኩጮና ዓውሲ ኔ ዔያቶ ዳቂሽኔ። 11 ሃሠያ ኔ ታ ሺኢጲያ ዋይዜ፤ ሃሃ ኔና ቦንቻኒ ናሽካ ሜሌ ኔ ዓይሎኮዎ ሺኢጲያዎ ዋይዜ፤ ሃሮ ታኣኒ ማዲኒ ማሌ ማሊፃ ገኢጋንዳጉዲ፣ ሃሃ ካኣቲኮዎ ዒና ሚጨንታንዳጉዲ ማሂ ታና ማኣዴ።»

ታኣኒ ዒማና ካኣቲም ዋይሮ ዑዠ ሺኢሺ ዒንጋሠኩ።

2

ነሄሚያ ዬሩሳላሚ ዓኣዳሢ

1 ዓርፃክሲሴ ካኣታዳንቱ ላማታማሳ ሌዖና ኒሳኣኔ ጌይንታ ዓገሎኮ ፔቲ ዓቢና ታኣኒ ካኣቲም ዋይሮ ዑዠ ዒንጋኔ፤ ዬሩ ዓባፓ ዓታዘ ቤርታ ታኣኒ ያዬም ካኣቲ ታና ዴንቁ ቤቁባኣሴ። 2 ዬያሮ ካኣቲ፦ «ፔቲ ሜታ ኔና ሄሌም ማዓንዳኣፓዓቲም ኔ ሃርገባኣንቱ ዋዲ ዓኣፖ ካራ ኔኤኮ ያዲሠና ሃያይዲ ቱኡቲይ?» ጌይ ታና ያኦጮኔ።

ታኣኒ ዒማና ሚርጌና ዒገጫዖ፣ 3 «ካኣቲዮ፣ ናኣናና ካኣታዳ ጎይሃ ናንጌ! ታኣኮ ቤርታኣ ዓድንሠ ዲኡቲ ካታማ ዶዲ ሻሂንቲ ዓቲም፣ ሃሃ ዲሮ ካራኣ ታሚና ሚቸንቲ ባይቁም ዋይቲ ታ ያዩዋዮ ዓታንዳይ?» ጌዔኔ።

4 ዬካፓ ካኣቲ፦ «ያዲ ማዔቲ ሃሠ ታኣኒ ኔኤም ዓይጎ ዋድንዶይ?» ጌይ ታና ያኦጮዛ፣ ታኣኒያ ጫሪንጮ ያኦዛሠ

1:8-9 1:8-9 ለዊ. ዓክ 26:33፤ ላሚ. ዋማ 30:1-5። 2:3 2:3 2ካኣቶ. ማ 25:8-10፤ 2ያኣሲ. ዓሃኩ 36:19፤ ዓር. 52:12-14።

ሺእቄሰካፓ፡- 5 ካአቲ ኮይላ «ካአቲዮ! ኔ ታና ቦንቻያ ማዕቲ፤ ሃሃ ታ ምጠያ ወይ ወይ ወይ ታአኮ ቤርታኣ ዓደንሢ ዲኡኪንገቴ፤ ዪሁዳይዳ ዓኣ ዪሩሳላሜ ካታሞ ታኣኒ ዴንዲ ካታሚሎ ገንሣ ማዠንዳጉዲ ታና ዳኬቴራ» ጌዔ።

6 ዓማና ጌኤሻ ካአቲኮ ኮይላ ዴዒ ዓኣ፤ ካአቲያ ዪያ ታአኮ ምጠያ ወይ ወይ፡- «ዓኣ፤ ከሊዳ ኔ ዴንዲ ሃላንዳይ? ዓይዲ ኔ ማዓንዳይ?» ጌይ ታና ምጠያ፤ ታኣኒያ ዴንዲ ሃላንዳ ወደና ሃሃ ዓይዲ ማዓንዳቲያ ኬኤዘ።

7 ሃሊሳያ ሃሃ ዒኢና ጌዒ ታኣኒ ዪሁዳ ዓጮ ዓኣደንዳጉዲ ዓፕራዲሴ ወርኮ ዓባ ጌላ ባንያና ዓኣ ዓጮ ወይ ሃዘንሢሃም ካአቲ ዓኣደም ጌዔያ ማዒያ ዓርዘ ወርቃታ ዒንጋንዳጉዲ ካአቲ ታኣኒ ሺእቄ፤ 8 ዪያጉዲ ሃሃ ጌኤዠ ማኣር ዲር ካርንታ ካታሞ ጌሎ ካርንታ፤ ሃሃ ታኣኒ ሃውሻንዳ ማኣር ካፖ ቤዘወ ማዠም ማዓንዳያ ሚሢ ቆይሳንዳጉዲ ጋዓ ወርቃታ ዓሳኣ፤ ጎዖ፡ ካአቲኮ ዴኤሎ ካዮ ካፓሢም ዒንጎንዳያ ታኣኒ ምጠያ፤ ዪያ ያኦሲ ፔ ሚጠንቶና ታና ማኣዳሢር ካአቲ፡ ታኣኒ ምጠያ ባኮ ቢያ ታኣም ዒንጌ።

9 ያሎ ዓሳ ዓይሃ ዓሲና ፓራሢና ያላ ዓሲ ታኣና ያላ ዓኣደንዳጉዲ ዓማና ካአቲ ዳኬ፤ ዪካፓ ታኣኒ ዓፕራዲሴ ወርኮ ዓባ ኬሰካ ባንፃ ዓኣ ዓጮ ዓኣደኒ ኬሰኬ፤ ዒኢካ ታ ሃሃላያ ያኣፕሲ ዓኬ ወርቃቶ ዓጮ ወይ ሃዘንሢሃም ዒንጌ፤ 10 ጋዓንጌ ዒሰራዔኤሌ ዴር ዓውሳኒ ኮሺ ባኣዚ ማዳ ዓሲ ሙኬሢ ቤተሆር፤ ካታማ ናንጋ ሴንባላፃና ዓሞኦ፤ ዓጮኮ ቢቲ ማዒ ወይ ሃ ያሊያና ወይ ዘያ ሚርጌና ዳጋፊ።

11 ያዲ ማዕቲያ ታኣኒ ዪሩሳላሜ ዓኣዲ ዒኢካ ሃይሃ ኬሊ ፔኤቄ፤ 12 ዓማና ታኣኒ ዪሩሳላሜም ማዳንዳ ማዳ ቢያ ያኦሲ ታኣም ፔጋሲ ዳዌ ዓኣሸንጌ ባኮ ምጠያ ኬኤዘወዖ ታ ዴዔ፤ ዪካፓ ዳካ ታ ላጌና ያላ ሳዓ ዓሚ ጌዳሚሺ ማዓዛ ዓቄ ፔቴ ቤሲ ታ ዴንዴ፤ ኦ ኮይላ ዓኣ ጫኣና ጫኣኖ ቆልሞም ታኣኒ ቶጌ ሃርማ ሌሊኮ፤ 13 ደኦጮ ዲር ካርና ታኣኒ ኬሰኪ ቃራሢ ዋኣያ ካር ጌይንታ ቤዘይዳና ጌዒ ደኦሎ ዘሎይዳ ዓኣ ቡኡር ላኣሎ ቤዘ ጌይንታዞ ታ ዴንዴ፤ ዓማና ሳዓ ሃጊ ዳሚኬ፤ ታ ዒኢና ዓኣደኣና ካታሞኮ ሻሂንጌ ዲር ካርንታ ታማ ሚቺ ኩርሴ ጌሎ ካርዋ ታ ዘጌ። 14 ሃሊሳያ ካታሞኮ ዓባ ኬሰካ ባንያና ጌይ ኬደ ዘሎና ዓኣ «ዓልቃ ዋኣያ ካር» ጌይንታ ቤዘና ጌይ ካአቲ ቦቆሎ ባንሢ ታ ዴንዴ፤ ጋዓንጌ ታኣኒ ቶጌ ሃራ ደዔ ባኮኮ ኩሎ ጌዳና ዓኣደንዳ ጎይሢ ዴንቃኒ ዳንዳዒባኣሴ። 15 ዪያር ዪኖ ሞንጉሎ ቄድርኦ፤ ወር ታኣኒ ኬዲ፤ ዲር ዘጊ ዘጊ ዒኢና ዓኣደ፤ ጋፕንፃይዳ ገንሣ ታ ሙኬ ጎይያማና ማዒ ደኦጮ ዲር ካር ዘሎና ካታሞ ታኣኒ ጌሌ።

16 ዲሞና ዓጮይዳ ቢታገታ ዓኣ ዓሰይዳፓ ታ ዋካ ዓኣቴያ፣ ሃሣ ታ ዓይጎ ማዳቴያ ዓሬይ ያኑኒያ ባኣሱ፤ ዬያ ሌሊቱዋንቴ ታኣኮ ለጎ ማዕ ዓይሁዶ ዓሰሞ ጌይ፡- ቁኤሶንታ ሱኡጎንታ ቢታገታ ዓኣ ዓሰንታ፤ ሃሣ ማዳ ማዳ ሃንጎ ዓሰፓ ፔቴ ዓሲሞታዎ ዓይጎዎ ታ ከኤዚባኣሱ። 17 ዬካፓ ጋዓንቴ ታኣኒ ዓይቶም፡- «ሃንዳ ዓካሪ ዓኣ ማታሣ ቢያ ዛጉዋቴ! ዬሩሳላሜ ካታማ ሻሂንቴም ዶዔ ባካ ኩሊንቴኔ፤ ዒዘኮ ጌሎ ካራኣ ታሚና ሚቹንቴ ባይቄኔ፤ ዬያሮ ሃሣ ኑ ዓይቁፓ ካታሚሎኮ ዲሮ ኮሾም፤ ኑና ሄሌ ዳውሲንቶዎ ኑ ባይዘም» ጌዔኔ። 18 ሃሣ ሄሊሳዎ ያኣሲ ታኣና ዎላታሣንታ ዎማይዲ ዒ ታና ማኣዳቴያ፣ ዬያጉዲ ካኣቴ ታኣም ከኤዜ ባኮዎ ቢያ ታ ዔይቶም ፔጋሲ ከኤዜኔ።

ዬካፓ ዔይታ፡- «ጊንሣ ማኸ ኑ ዓርቃንዳኔ!» ጌዒ፣ ዬያ ኮኸ ማዳ ማዳኒ ጊኣጌኔ።

19 ጋዓንቴ ቤቱሆሮኔ ዓሣ ሴንባላጭንታ ዓሞኣኔ ዓሣ ያቢያንታ፤ ዬያጉዲ ሃሣ ጌሼሜ ጌይንታ ፔቴ ዓሬቤ ዓሲሰኬይ ዬያ ኑ ማዳኒ ዓርቄ ማሊያ ዎይዛዎ ቦሂ ሚኢጪ ሚኢጪ፡- «ሃይ ዒንሣ ማዳ ባካ ዓይጎ ባኣዚዳይ? ዒንሣ ካኣቴም ዎይዚ ዒፃኒ ኮዓም?» ጌይ ኑና ያኣጩኔ።

20 ታኣኒ ዲሞና፡- «ጫሪንጮ ያኣዛሣ ማዳ ኑኡኮ ጊኣጊሻኒ ዒ ኑና ማኣዳንዳኔ፤ ኑ ዒዘኮ ዓይሎኬ፤ ዬያሮ ማዳ ኑ ዓርቃንዳኔ፤ ዒንሣ ጋዓንቴ ዬሩሳላሜፓ ዓይጎ ባኣዚ ዔካኒያ ማዎም ሃይሴ ዒንሣ ዛላ ከኤዚንታንዳይ ባኣያ ማዓንዳኔ» ጌይ ዔይቶም ማሄኔ።

3

ዬሩሳላሜ ካታሞኮ ዲራ ጊንሣ ኮሺንቴሣ

1 ካታሞኮ ዲራ ጊንሣ ኮሺንቴሣ ዬያይዲኬ፡- ቁኤሶ ቢያኮ 0-ፀሣ፡ ዓሊያሺቤና ዒዛና ዎላ ማዳ ለጎ ማዕ ቁኤሳ «ማራቶ ካሮ» ጌይንታ ዲሮ ካሮ ጊንሣ ኮሺ ያኣሲም ዲማዴያ ማሄኔ፤ ካሮዎ ኮሺኔ፣ ዲሮዎ «ጭታ» ጌይንታ ሹጮ ሴኤሎና «ሃናኒዔኤሌ» ጌይንታ ሹጮ ሴኤሎ ሃላንዳኣና ያኣሲም ዲማዴያ ዔይታ ማሄኔ።

2 ዲያርኮ ዓሳ ዬዮ ቤዘ ሄሊሲ ዓኣ ቤዘ ኮሻዛ፣ ዜኩሬ ጌይንታሣ ዒሞሪ ናኣዚ ዒዛይዳፓ ሄሌ ቤዘ ኮሺኔ።

3 ሃሰናዓ ቶኦኮ ማዕ ዓሳ ሞላሣ ዲሮ ካሮ ጌይንታ ቤዘ ኮሺኔ፤ ዔይታ ቱርቱርዎ ኮሺኔ፣ ካራኣ ኮሺኔ፤ ዬያ ካሮ ዎዶንዶ ጋጋርሲና ዎዶንዶ ቁልፔያ ጊኣጊሺኔ።

4 ዩካፓ ሄሊሳ በዘ ሃቆጫኮ ናኣዚ ናየ፡ ዑሪያ ናኣዚ ሜሪዎቴ ኮሼኔ።

ሃሃ ሄሊሳ ዓኣ በዘ ሜሼዛቤሌኮ ናኣዚ ናየ፡ ቤራኪያ ናኣዚ ሜሹላሜ ኮሼኔ፤ ዒዛይዳፓ ሄሊ ዓኣ በዘ ቤዓና ናኣዚ ሳዶቄ ኮሼኔ።

5 ሃሃ ሄሊ ዓኣ በዘ ተቆዓ ካታሞ ዓሳ ኮሼኔ፤ ጋዓንቴ ዒማና ካታሞኮ ሱኡጋ ዔያቶ ዓይሢ ማዲሻ ዓሳ ዓይሣ ባኮ ማዲያ ዒጫ።

6 ፓሳሃ ናኣዚ ዮዳሄና ቤሶዲያ ናኣዚ ሜሹላሜና ዪሻናኔ ዲሮ ካሮ ኮሼኔ፤ ዩካፓ ዔያታ ቱርቱር ዶቄ፤ ካሮዎ ኮሼኔ፤ ዬያ ካሮ ዎዶንዶ ቁልፔንታ ጋጋርሲያ ገኢጊሼኔ።

7 ዩካፓ ሄሊሳ ዓኣ በዘ ጌባዖኣኔይዳ ሾይንቴ ዓሢ ሜላጫያ፡ ሜሮኖቴይዳ ሾይንቴ ያዶ፤ ጌባዖኣኔንታ ሚጂጳንታ ዓጮ ዓሳ ዔፕራጂሴኮ ዓባ ጌላ ባንዖ ዓጮ ዎይሣ ዓሢ ናንጋ ማኣሮ ሄላንዳኣና ዓኣ በዘ ኮሼኔ።

8 ሃሃ ሄሊ ዓኣ በዘ ዎርቆ ሼኤሽ ኮሻ፡ ሃርሃያ ናኣዚ ዑዚዔኤሌ ኮሼኔ።

ዬኖ በዘ ሄሊ ዓኣ በዘ ሳውቃ ቲዦ ኮሻ፡ ሃርኒያ ኮሼኔ፤ ዬና ዓሳ ዬሩሳላሜኮ «ዳልጎ ዲሮ» ጌይንታ በዘ ሄላንዳኣና ዓኣ በዘ ቢያ ገኢጊሼኔ።

9 ዩካፓ ሄሊ ዓኣ በዘ ዬሩሳላሜኮ ዛሎ ዓጮ ዎይሣ፡ ሁሬ ናኣዚ ሬፓያ ኮሼኔ።

10 ሃሃ ሄሊ ዓኣ በዘ ሃሩማፔ ናኣዚ ዬዳያ ፔ ማኣሮኮ ሆታ ዓኣ በዘ ኮሼኔ።

ዬኖ ሄሊ ዓኣ በዘ ሃሻቤኒያ ናኣዚ ሃቱሼ ኮሼኔ።

11 ዩካፓ ሄሊ ዓኣ በዘ ሃሪሜ ናኣዚ ማልኪያና ፓሃትሞዓኣቤ ናኣዚ ሃሹቤና «ታሞ ጂኢሎ ኬኤሎ» ጌይንታ ዳጌ በዘ ኮሼኔ።

12 ዬኖይዳፓ ሄሊ ዓኣ በዘ ዬሩሳላሜ ካታሞኮ ዛሎ ዓጮ ዎይሣ፡ ሃሎሂሼ ናኣዚ ሻሉሜ ኮሼኔ፤ ዒማና ዒዛኮ ዉዲሮ ናኣታኣ ዒዛ ማዶና ማኣዳ፤።

13 ሄሊሳዖ ሃኑኔና ዛኖሃናይዳ ናንጋ ዓሳ ዎሊ ዑፃ ዶኦጮ ዲሮ ካሮ ዓካሲ ኮሼኔ፤ ዬያ ዲሮ ካሮ ኮሼ፤ ዬያ ዎዶንዶ ቁልፔና ጋጋርዞዎ ገኢጊሼኔ፤ ዴንዲ ቡኡሮ ላኣሎ በዘ ሄላንዳኣና ያዶሱማ ፔቴ ሺያ ዎዳ ማዓንዳ ኬኤሎ ዲያ ጊንሣ ዔያታ ኮሼኔ።

14 ዩካፓ ዬያ ቡኡሮ ላኣሎ በዘ ጌሎ ዲሮ ካሮ ቤትሃካሪሜ ዓጮ ዎይሣ፡ ራካቤ ናኣዚ ማልኪያ ጊንሣ ኮሼኔ፤ ካሮኮ ቁልፖንታ ጋጋርዞዎ ገኢጊሼኔ።

15 ዬኖይዳፓ ሄሊ ዓኣ በዘ መጻጻጵ ዓጮ ዎይህ፡ ኮልሆዜ ናኣዚ ሻሉሜ ዋኣፃ ዓልቃ ዲሮ ካሮ ገንሣ ኮሼኔ፤ ዬያ ካሮኮዋ ካራ ኮሺ ዎድንዶ ቁልፖንታ ጋጋርዘንታ ገአጊሼኔ፤ ዒማና ሹላሄኮ ቦቆሎ ዲያ ባንዖና ካኣቱሞ ማኣሮኮ መገዖ ቱኮ በዘፓ ዓርቂ ዳውቴ ካታሞፓ ሊካ ኬዶ ሳኖጉዳ በዘ ሄላንዳኣና ዓኣ በዘዋ ኮሼኔ።

16 ሄሊሳፖ ሃሣ በትፁሬ ዓጮኮ ዛሎ ዎይህ፡ ዓዝቡቄ ናኣዚ ኔሃሚያ ዴንዲ ዳውቴ ዲኡፖ ሄላንዳኣና፡ ቦቆሎ ካሮ ሄላንዳኣና፤ ገንሣ ሃሣ ስሎና ዔርቴ ጎኡቦ ዓሳ ዲንኪ ዴዓ በዘ ሄላንዳኣና ዓኣ በዘ ኮሼኔ።

ዲሮ ማድ ማዴ ሌዊ ዓሶ

17 ዲሮ ማድ ማዴ ሌዊ ዓሶኮ ሱንፃ ሃካፓ ዴማ ዓኣ ጎይዖኩ፡-

ባሲ ናኣዚ ሬሁሜ ዒዘይዳፓ ሄሌ በዘ ኮሼኔ።

ቁዒላ ዓጮኮ ዛሎ ዓጮ ዎይህ ሃሻቢያ ፔ ዓጫ ማዴያ ማሂ ሄሊ ዓኣ በዘ ኮሼኔ።

18 ዬካፓ ሄሊ ዓኣ በዘ ሃሣ ቁዒላ ዓጮኮ ባጎ ዛሎ ዎይህ፡ ሄናዳዴ ናኣዚ ባዋዬ ኮሼኔ።

19 ሄሊ ዓኣ በዘ ገንሣ መጻጻጵ ዓጮ ዎይህ፡ ዒያሱ ናኣዚ ዔዜሬ ስሎ ዓንጋሞ ጌሃ ማኣሮኮ ሆታ ዓኣ በዘ ዴንዲ ዲራ ቃሳዲ ማዓ ካሮ ሄላንዳኣና ኮሼኔ።

20 ዬኖይዳፓ ሄሊ ዓኣ በዘ ዛባዬ ናኣዚ ባሩኪሜ ዴንዲ ቁኤሶ ቢያሂኮ ዑፃሂ፡ ዔሊያሺቤ ማኣሮ ጌሎ ካሮ ሄላንዳኣና ኮሼኔ።

21 ገንሣ ሃሣ ሃቆፄ ናኣዚ ናዖ፡ ዑሪያ ናኣዚ ሜሬሞቴ ዴንዲ ዔሊያሺቤ ማኣሮ ጋፖ ሄላንዳኣና ዓኣ በዘ ኮሼኔ።

ዲሮ ማድ ማዴ ቁኤሶ

22 ዬኖይዳፓ ሄሊ ዓኣ ዲሮ ኮሺ ቁኤሶኮ ሱንፃ ሃካፓ ዴማ ዓኣ ጎይዖኩ፡-

ዬሩሳሌሜ ካታሞ ኮይሎይዳ ዓኣ ቁኤሳ ዬካፓ ሄሊ ዓኣ በዘ ኮሼኔ።

23 ሃሣ ዔያቶ ሄሊሳፖ ቢኢኒያሜና ሃሹቤና ዔያቶኮ ናንጎ ማኣሮኮ ሆታ ዓኣ በዘ ኮሼኔ።

ዬኖ ሄሊሳፖ ዓናኒያ ናኣዚ ናዖ፡ ሜዕሴያ ናኣዚ ዓዛሪያ ፔ ማኣሮ ኮይላ ዓኣ በዘ ኮሼኔ።

24 ሄሊሳፖ ሄናዳዴ ናኣዚ በኑዬ ዓዛሪያሴ ማኣራፓ ዓርቃዖ ዴንዲ ዲሮኮ ካኣሞ ካሮ ሄላንዳኣና ዓኣ በዘ ኮሼኔ።

25-26 ይካገግ ዑዛዬ ናኣዚ ፓላሌ ዲራ ካኣማ ካርና ካኣቱሞ ማኣር ካፖ ቤዞ ኮይላ ዓኣ ኬዳና ዳዒ ካኣቱሞ ማኣር ካፖ ዳጌ ኬኤሎ ዲፃፓ ዓርቃፖ ዓኣ ቤዞ ቢያ ኮሼኔ።

ሄሊሳፖ ፓርፖሼ ናኣዚ ፔዳያ ዋኣፖ ዲሮ ካር ኮይላ ዓባ ኬሰካ ባንፖ ባንሢ ዳንዳ ቤዞንታ ጌኤዡ ማኣር ካፖ ዳጌ ኬኤሎ ጌይፖ፡- ጌኤዡ ማኣር ማዳ ማዳ ዓሳ ናንጋ ካታሜሎኮ ፔቴዞ ማዔ «ፖፔሌ» ጌይንታ ቤዞ ኮይላ ዓኣ ቤዞዋ ኮሼኔ።

ዬያ ማዳ ማዳ ማሌ ዓሳ

27 ጊንሣ ሃሣ ቴቆዓ ዓጮ ዓሳ ዒዞ ሄሊ ዓኣ ጌኤዡ ማኣር ካፖም ላሚ ማዡንቴ ዳጌ ኬኤሎ ቤዞኮ ሆታፓ ዓርቃፖ ዳንዲ ፖፔሎኮ ኮይላ ዓኣ ኬኤሎ ዲፖ ሄላንዳኣና ዓኣ ቤዞ ኮሼኔ።

28 ሃንጎ ዓቴ ቁኤሳ ፔኤኮ ናንጎ ማኣር ማኣርኮ ሆታ ዓኣ ቤዞፓ ዓርቃፖ ፓራሢ ዲሮ ካርኮ ኬዶ ዛሊና ዓኣ ቤዞ ሄላንዳኣና ኮሼኔ።

29 ዒሜሬ ናኣዚ ሳዶቄ ዒዚ ናንጋ ማኣርኮ ሆታ ዓኣ ቤዞ ኮሻኣና ዓባ ኬሰካ ባንፖ ዲሮ ካር ካፓሢ፡ ሹካኒያ ናኣዚ ሹማዒያ ዒዞፓ ሄሊ ዓኣ ቤዞ ኮሼኔ።

30 ሄሊሳፖ ሹሊሚያ ናኣዚ ሃናኒያና ፃላፔ ጎሆሢኮ ላሃሳ ናይ ሃኑኔ ጎሶኬይ ላሚ ሃሣ ዔያቶ ሄላ ጊንፖ ኮሼኔ።

ሃሣ ቤራኪያ ናኣዚ፡ ሜሹላሜያኣ ፔ ማኣርኮ ሆታ ዓኣ ቤዞ ኮሼኔ።

31 ሄሊ ቤዞ ሃሣ ዋርቆ ሹኤሽ ኮሻ፡ ማልኪያ ዲሮ ካራ ዋላ ካኣማ ካርኮ ኬዶ ዛሊና ዓባ ኬሰካ ባንፖኮ ጋፓፓ ዳንዲ ቢያ ባኮ ዳዒ ዛጎ ዳጌ ኬኤሎ ዲፖ ዛሊና ጌኤዡ ማኣርኮ ማዳ ማዳ ዓሳና ኮርሞ ኮርማ ዓሳም ማዓ ቤዞ ሄላንዳኣና ዓኣ ቤዞ ኮሼኔ።

32 ይካገግ ዋርቆ ሹኤሽ ኮሻ ዓሳንታ ኮርሞ ኮርማ ዓሳኣ ዲራ ካኣማ ካራፓ ዓርቃፖ ዳንዲ ማራቶ ዲሮ ካር ሄላንዳኣና ዓኣ ጋፔንፖ ቤዞ ሄላንዳኣና ዓኣሢ ኮሼኔ።

4

ኔሄሚያ ማዳ ማዳ ዋጉዲ ማኮናሢ ቢያ ባሻሢ

1 ኬኤሎ ዲሮ ኑ ማዡፖ ዓርቁሢ ዋይዞፖ ሴንባላፃ ሚርጌና ዳጋዲ፡ ጎሪንቴ ኑና ቦሃ ጌሰቲሢ ዓርቁኔ። 2 ዒማና ዒዛኮ ላጎና ሳማሪያ ፖኑሊሶና ቤርታ፡- «ሃንሢ ላቤ ዓይሁዶ ዓሳንሢ ዓይጎ ማዳኒ ማሌይ? ካታሜሎ ጊንሣ ላሚ ማዡኒ ዔያታ ማሌሞ? ፆኦም ዒንጎ ባኮ ዔያታ ሃሢ ዒንጋንዳ? ማዶዋ ዔያታ ፔቴ ኬሊዳ ማዲ ጋፔሳኒ ዳንዳዓያ ዔያቶም ማላ? ኬኤሎ ዲርቆንዶ

ሹጮ ሚቺ ደይሲ ኩሎና ቡኡር ባኣካፓ ኬሲ ዔያታ ዔካኒ ደንዳንዳኖ?» ጌይ ቦሂ ጌሰቴኔ።

3 ሃሃ ዒዛ ኮይላ ዔቁ ዓኣ ሾቢያ ፔ ዛሎና፡- «ዔያታ ዎዚጉዴ ኬኤሌ ዲርሲ ኮሻኒ ደንዳዓይ? ዔያቶኮ ኬኤሎ ዲያ ዑያ ዉኡካ ኬሰከቴ ደዓኒ ደንዳዓኔ!» ጌይ ቶኦቺ ጌሰቴኔ።

4 ዬያር ታኣኒ፡- «ኮ ሾኦሲዮ! ዔያታ ኦና ዎዚ ቶኦቻቴያ ሂንዳ ዛጌ፤ ሃይ ጫዣ ዔያቶ ቶኦካ ማዎም፤ ዔያቶኮ ዓኣ ቆላ ቢያ ቡሪንቴም ማሌ ዓጪዳ ዔያታ ደከንቴ ዓሲ ማዎም፤ 5 ዔያታ ማዴ ፑርቶ ማዴ ዔያቶም ዓቶንጎ ጌይፓ፤ ኦኡኒ ሻሂንቴሂ ኮሺሂር ጫሺና ዔያታ ኦና ቦርሲሴኔ፤ ዳቢንቶ ዔያቶኮ ዋሊፓ» ጌይ ሺኣቄኔ።

6 ኦኡኒ ዒማና ኬኤሎ ዲር ገንሃ ኮሺያ ማዴ ሃሺባኣሴ፤ ዴራ ማዴ ደዲ ማዴሂር ማዴ ሩኡሪና ዲርኮ ሂካሂዳ ሄሌኔ።

7 ሴንባላዳ፡ ያቢያ፡ ዓሪቦ ዓሳ፡ ዓሞኦኔ ዓሳ፡ ዓሸዶዴ ዴራኣ ዓቱዎዎ ዬሩሳላሜ ካታሞኮ ኬኤሎ ዲር ላሚ ገንሃ ኦ ማዢያና ኮሺ ማዴ ኦ ማዴሂር ሃሃ ኬኤሎ ዲር ባኣካ ዎላ ካኣሚባኣ ቤዛ ዲርቁንቴሂ ዋይዛያ ኮሺ ዳጋዴኔ፤ 8 ዬያር ዔያታ ዎላ ፔቴ ማዴ ዬሩሳላሜ ሙካኒና ማንገሊ ያሊ ኦጊዳ ሜቶ ማዢኒ ዎላ ጌኔ ጌኤሲ ጌሰቴኔ፤ 9 ኦኡኒ ጋዓንቴ ኦ ሾኦካሂ ሺኣቄኔ፤ ዔያቶ ዎ ቃዛኒ ዋንቶና ሮኦርና ቢያ ካፓ ዓሲያ ኦኡኒ ኬሴኔ።

10 ዒማና ዪሁዳ ዴራ፡-

«ኬዳ ኦና ላቢሲ ላቢሲኬ፤ ሃገ ዔቁሳኒ ኮይሳ ደዔ ባኮ ኩላ ማርጌኬ፤ ኦኡኒ ኬኤሎ ዲር ኮሻኒ ደንዳዑዎሴ» ጌዔኔ።

11 ኦ ሞርካ፡- «ኦኡኒ ዔያቶ ባኣኮ ጌሊ ዔያቶ ዎዳንደኣና ሃሃ ማዴዎ ኦ ዔያቶኮ ዔቁሳንደኣና ዔያታ ኦና ዔሪንዲዎሴ፤ ዴንቁንዲዎሴ» ጌዔኔ። 12 ጋዓንቴ ኦ ሞርኮ ባኣካ ናንጋ ዓይሁደ ዓሳ ታጳ ማይንቴ ሙኪ ሙኪ ኦ ሞርካ ዎማይዲ ኦና ማንጋኒ ዎላ ጫኣቄቴያ ፔጋሲ፡ ላተሂና ኦም ኬኤዜኔ። 13 ዬያር ኦኡኮ ዴር ባኣካፓ ጩንቻ ዓፓርንታ ዎርሂንታ ሂኢሺንታ ዓርቁ ዓሲ ዓሶኮ ቶኦካፓ ቶኦካፓ ኦኡኒ ገኢገሺ ማዴ ጋፒባኣ ቤዛ ቢያይዳ ኬኤሎ ዲርኮ ዙሎ ዛሊና ዎርዲ ዎርዲ ዴዓንደጉዲ ታ ማሄኔ።

14 ዒማና ዴራ ካራ ባይዜሂ ታ ዛጌሂር ዔያቶንታ ዔያቶኮ ሱኡጎንታ ማሌ ቢታንታ ዓኣ ዓሶ ኮይላ ቢያ፡- «ኦ ሞርኮር ዒገጪፓቴ፤ ዎዚጉዴ ዴኤፒ፡ ሃሃ ዴኤፑሞ ቦንቻ ዒገቻ ሾኦሲ ኦኡኮ ዓኣሂ፤ ገንሃ ሃሃ ዒዚ ዒንሂኮ ዒገሮ፤ ዒንሂኮ ናኣቶንታ ላኣሎንታሮ፤ ዒንሂኮ ማኣራ ዓኣ ባኮ ዛሎርዎ ያልታንደሂ ዔሩዎቴ» ታኣኒ ጌዔኔ። 15 ኦኡኮ ሞርካ ዔያታ ኦና ማንገሊ ያላኒ

ጫክቄ ጫክቄዎ ኑ ዔሬሢ ዋይዜኔ፤ ያኦሲ ዔያቶኮ ማሊዎ ጉሪ ማሃሢያ ዔያታ ዔሬኔ፤ ዩካፓ ኑኡኒ ቢያሢ ከኤሎ ዲሮ ገንሣ ኮሺዎ ዓርቄኔ።

16 ዩማ ከላፓ ዓርቃዎ ታኣኒ ገኢጊሼ ዓሳ ዛላ ማዶ ማዳኣና ዛላ ያሎ ማኣዓሢ ማይንቲ፥ ዋርሢንታ ጊቲማንታ ዓርቄ፥ ሃሣ ሂኢዠዋ ዓኣሢ ዋርዲዮ ካፓንዳጉዲ ታኣኒ ማሄኔ፤ ኑኡኮ ሱኡጋኣ ዒማና ዴሮ ጉቤ ዒናፓ ማኣዳኔ፤ 17 ከኤሎ ዲዎ ኮሻ ዓሶ ቢያ ዔያታ ደዲሻኔ፤ ማሌ ዓታዛ ከዶ ከዳ ዓሳኣ ዓቱዋዎ ፔቲ ኩጮና ማዶ ማዳዎ፥ ባሳ ኩጮና ያሎ ዓንጋሞ ዓርቄ ያላኒ ገኢጊንታኔ። 18 ሹጮና ማኣሮ ማዠ ፔቲ ፔቲ ዓሳ ጩንቾ ዓፓሮ ከርና ቱኡቲ ማዳኔ፤ ዛያሢ ዋርቃሢያ ታ ኮይላፓ ሺኢኩዋሴ። 19 ዴሮና ዔያቶኮ ሱኡጎና ቢታንታ ዓኣ ዓሶናሞ ታኣኒ፡- «ከኤሎ ዲሮ ማዳ ዳኤፒ፥ ሃሣ ኮሺ ዳልጊ ማዔም ኑ ዋሊዳፓ ሃከሢሮ ፔቲይ ባጋሢና ካኣማኒ ዳንዳዑዋሴ። 20 ዒንሢ ዛያ ዋርቄንታሢ ዋይዜ ዋዶና ሃንጋ ታ ባንሢ ሙኪ ቡኪንቱዋቲ፤ ኑ ያኦዛሢ ኑ ዛሎ ያልታንዳኔ» ጌዔኔ፤ 21 ዩያሮ ቢያ ከላ ጉቲ ዓማፓ ዴንዲ ሳዓ ሃባርቲ ዉጫሢ ከሰካንዳያ ሄላንዳኣና ዛላ ማዶ ማዳኣና ዛላ ያሎ ዓንጋሞ ዓርቄ ዔቄ ካፖ ካፓኔ።

22 ዒማና ታኣኒ ማዶ ማዳሻ ሱኡጎሞ፡- «ዋንቶ ዋንቶ ካታዋ ካፓኒ፥ ሮኦሮ ገንሣ ኑኡኮ ማዶ ሂርጋባኣያ ማዳኒ ዳንዳዓንዳጉዲ ዒንሢታቲያ ዒንሢ ማኣዳ ዓሳ ዋንቶ ዋንቶ ዩሩሳላማይዳ ዴዑዋቲ» ጌዔኔ። 23 ታና ማዔቲያ ታኣና ማዳ ታ ላጋ፥ ታኣሞ ማዳዘንሢንታ ታና ካፓዘንሢንታ ኑኡኒ ቢያሢ ዋንቶታቲያ ማይንታ ማኣዓሢ ኑ ከሱዋሴ፤ ዩያጉዲ ኑኡኒ ዋኣዎ ደዓኣናታዎ ዓንጋሞ ኑ ኩጫፓ ኑኡኒ ደማሲ ገሠዋሴ።

5

ማንቆ ዓሶ ሄሌ ሜታሢ

1 ናንገቤቃ ዴሮፓ ማርጌሢ ዓቲንቆንታ ላኣሎንታ ዔያቶኮ ዒጊና ማዔ ዓይሁዶ ዓሶ ዒዲሢና ዒላቲኔ። 2 ዔያቶፓ ፔቲ ፔቲዘንሢ፡- «ማርጌ ናይ ኑኡኮ ዓኣሢሮ ኑኡኮ ሺምፓሢ ዓይሳኒ ዳንዳዓ ሃኣኮ ኑ ኮዓኔ» ጌዔኔ።

3 ዛላ ሃሣ፡- «ማርጌና ኑ ናይዴሢሮ ናያፓ ኑ ሺምፓሢ ዓይሳኒ ጌዒ ኑኡኮ ጎዠንታ፥ ኑ ቱከ ዎይኖንታ ኑኡኮ ማኣሮዋ ቢያ ኑ ዓይሢሳንዳያ ሄላንዳኣና ኑና ማሄኔ» ጌዔኔ።

4 ሃንጎ ዛሎ ዓሳ ሃሣ፡- «ኑኡኮ ጎዠና ዎይኖ ዛሎናሮ ካኣቲ ገኢሮ ኑና ያኦጫሢሮ ኑ ጨጋንዳ ቢራ ኑ ታልዔኔ፤ 5 ኑኡኮ ዜርፃ ዔያቶና ፔቲከ፤ ኑ ናኣታ ዔያቶ ናኣቶይዳፓ ደማዳ ባኣዚ ባኣሴ፤

ያዲ ማዕቴያ ኑኡኮ ናኣቶ ዓይሌ ማሂ ዔያቶም ዒንጋኒ ዓቱዋ ባኣዚ ማዕኔ፤ ዬያ ሌሊቱዋንቴ ኑኡኮ ወዲሮ ናኣቶይዳፓ ፔቴ ፔቴዘንሂ ዓይሌ ማዒ ሻንቸንቴ፤ ሃሃ ጎዡና ዎይኖ ቱኮ ቤዘና ኑኡኮ ዔውቴሂሮ ኑና ዘጋ ዓሲ ባኣያ፣ ካራ ባይቄ ዓሲ ኑ ማዕኔ» ጌይ ዒላቴ።

6 ታኣኒ ዒማና ዬያ ጌኤዘ ዋይዘያ ዳጋዴ፤ 7 ታኣኒ ማዳኒ ኮይሳ ባኮ ታ ዒሮና ማላያ ዴሮኮ ሱኡጎ ማዕኔ ቢታንታ ዓኣ ዓሶ፡- «ዒንሂሂ ዒንሂኮ ዒጊሮ ሜታሲ፣ ሚኢሹያ ሾይቸና ጨገሻ!» ጌይ ጎሬ።

ዬያ ዔያቶኮ ሜቶ ሹሌዒሶንዶ ጎይሂ ዴንቃኒ ዴሮ ፔቴይዳ ታኣኒ ቡኩሲ፡- 8 «ሜሌ ዴሮም ሻንቸንቴ ዓይሁዶ ማዕኔ ኑ ዒጊሮ ዘሎ ዬያ ዔያታ ሻንቸንቴ ቤዘፓ ዔያቶ ኬሳኒ ማሊሂና ኑም ዳንዳዒንታ ባኣዚ ቢያ ኑ ማዴ፤ ዒንሂሂ ሃሂ ሃይሾ ዒንሂኮ ዒጊሮ ማዕኔ ዓይሁዶ ዓሶ ዔያቶኮ ዜርያ ማዕኔ፣ ዒንሂሂም ዔያታ ፔና ዓይሌ ማሂ ሻንቸንዳጉዲ ማሂ ማሂ ዒንሂሂ ዓኣኔ!» ጌይ ታ ዔያቶ ጎሬም ዬይ ሱኡጎ ጎንደ ጎይሂ ባይዚ ዘቲ ጌዔ።

9 ታኣኒ ሃሃ ኬኤዘያ፡- «ዒንሂሂ ማዴ ባካ ፒዜቱዋሴ! ያኡሲ ዒጊጨሂና ፒዜ ማዕኔ ባኣዚ ማዳኒ ዒንሂሂ ኮይሳ፤ ዎንዴ ዒንሂሂ ሂዴያታቴ ሜሌ ዓሶ ማዕኔ ኑኡኮ ዋርካ ኑና ቦሂ ጌሰታንዳ ባኣዚ ባኣያናንዳንቴኬ። 10 ዴራ ታጊዳፓ ሚኢሹ ማዕቴያ ሃኣኮ ታልዓንዳጉዲ ታ ዓይህ፤ ታኣና ዋላ ማዳ ታ ላጎና ታኣም ማዳ ዓሳኣ ዬና ጎይያ ማዳንዳጉዲ ታ ዓይህ፤ ዓካሪ፡- «ዒንሂሂ ታልዔ ጋሎ ኑም ጨገቱ» ጌይ ዔያቶ ያኡጨፃ ዓቶንጎ፤ 11 ሚኢሹታቶዋ ሃኣኮ፤ ሃሃ ዎይኖና ሪሚቶ ዘይቶ ማዕቴዎ ዒንሂሂ ዔያቶም ታልዔሂኮ ቢያ ሾይያ ሃሹዋቴ፤ ዔያቶኮ ጎዡንታ ዎይኖ ሚያንታ ጊንሂ ዔያቶኮ ሪሚቶ ዘይቶንታ ማኣሮንታ ቢያ ሃሂ ቤዘ ዔያቶም ማሁዋቴ» ጌዔ።

12 ዒማና ሱኡጎ ማሃያ፡- «ኔ ኑና ዓይህ፤ ጎይያ ኑ ማዳንዳ፤ ዔያቶኮ ዔከንቴ ቆሎና ዔቦ ቢያ ኑ ዔያቶም ማሃንዳ፤ ዔያታ ታልዔ ጋሎዋ ኑኡኮ ጨገቱ» ጌይ ኑ ዔያቶ ያኡጨዓኬ» ጌዔ።

ዬያሮ ታኣኒ ቄኤሶ ጋሮ ባንሂ ዔኤላያ ሱኡጎ ጨኣቄ ጨኣቄም ማዳ ኩንሂንዳጉዲ ጨኣቄሲሴ። 13 ዒማና ታኣኒ ማኣዒ ዓኣ ማኣዒሂ ኬሲ ሃርፓያ፡- «ዒንሂሂዳፓ ዓይጎ ዓሲያኣ ጨኣቄ ጨኣቄም ሃሹቶ ያኡሲ ዒዛ ሃይማይድንጎ፤ ዒዛኮ ማኣሮንታ ዓኣ ባኮንታ ቢያ ዔኪ ኩቺ ጉሪ ዓይሶንጎ» ጌዔ።

5:7 5:7 ኬሲ. ማጻ 22:25፤ ሌዊ. ዓኬ 25:35-37፤ ላሚ. ዎማ 23:19-20።

ዲማና ዬኖ ቤዘይዳ ዓኣ ዓሳ ቢያ ፔቴ ዑኡሲና «ዓኣሜን!» ጌባ ናንጊና ናንጋ ጎዳ ጋላቴኔ፤ ሱኡጋኣ ዔያታ ጫኣቄ ጫኣቄሞ ማዲ ኩንሣኔ።

ነሄሚያ «ታ ዳቆ» ጌይባኣያ ማዔሣ

14 ዓርጃክሲሴ ካኣታዳንቴ ላማታማሳ ሌዓፓ ዓርቃያ ሃይሣታሚ ላምያ ሌዔ ሃላንዳኣና ታኣኒ ዪሁዳ ዓጮ ዋይሣሣ ማዔንቴ ታጳ ላምያ ሌዓይዳ ታኣኮ ዒጊኖ ማዔቴያ ሃሣ ታኣኒ ታ ቶኦኪና ፔቴ ዓጪ ዋይሣ ዓሲም ኮይሳ ሙኡዚ ኑ ሙይባኣሴ። 15 ታኣኮ ቤርታ ዓሶ ዋይሣያ ማዒ ዶኦሪንቴ ዓሳ ቢያ ዴሮም ዴኤሣ ኬዲ ማዒ ኬላ ኬላ ሙኡዚና ዑሺናም ዛላ ኪሎ ማዓንዳ ሹቺ ቢራ ዓሶ ጪጊሻኔ፤ ሃሣ ዬያ ዋይሣ ዓሶኮ ማዳ ዓሳታያ ዴሮ ዑያይዳ ቢቲ ማዒ ዓሶኮ ካራ ባይዛኔ፤ ታኣኒ ጋዓንቴ ያኦሲ ዒጊጫያታሣር ዬያጉዴ ባኣዚ ማዲባኣሴ። 16 ታኣኮ ዓኣ ቆሎ ቢያ ዬሩሳላሜኮ ኬኤሎ ዲር ጊንሣ ኮሺያ ማዲይዳ ታ ፔኤሽያፓዓቴም ታ ታኣኮ ዓይጎ ቆሎዋ ቡኩሲባኣሴ፤ ታ ዓይላኣ ቢያ ታኣና ዋላ ማዲያ ማዔኔ፤ 17 ዓሺኖ ዓጫፓ ታ ኮይላ ሙካ ሜሌ ዴራ ዓታዛ፤ ቢያ ኬሊ ታኣና ዋላ ሙዓ ዓይሁደና ዔያቶኮ ሱኡጎናኮ ፓይዳ ጃኤታና ደንጊታሚናኬ። 18 ቢያ ኬሊ ፔቴ ጌማይ፣ ላሆ ቃራ ቃራ ማራይና ሚርጌ ኮይዳኣ ሹኪ ሙዓ ታኣም ጊኣጊንታኔ፤ ሃሣ ጊንሣ ታጳ ኬሊዳ ፔቴና ዋይኔ ዑሺ ታ ዔያቶም ጊኣጊሻኔ፤ ጋዓንቴ ዴሮይዳ ዓጊንቴ ዴኤያ ኬዶ ታ ዔራሣር ዓጪ ዋይሣ ዓሲም ኮይሳ ፔኤሺም ጪጎ ባኮ ታ ያኦጪባኣሴ።

19 ታ ያኣዛሣዮ፣ ሃያ ዴሮም ታ ማዳ ፒዙዋ ማዳ ቢያ ማሊፓፓ ኮሺ ባኣዚ ታኣም ማዳ።

6

ነሄሚያ ማዲንቴ ሜሌ ጌኔ ማዳ

1 ሴንባላጃ፣ ያቢያ፣ ዓሬቦ ዓጮ ዓሣ ጌሺሜንታ ሜሌ ኦኡኮ ሞርኮንታ ኬኤሎ ዲር ታኣኒ ኮሺ ጋፒሴሣና ኮሺንቱዋ ዓቴ ቤሲ ባኣሣያ ዋይዜኔ፤ ያዲ ማዔቴያ ኬኤሎ ዲርኮ ጌሎ ካር ዋደንደሣ ታኣኒ ዓኣሣባኣሴ። 2 ዬያፓ ዔቄያና ሴንባላጃና ጌሺሜና ያኦኖ ጌይንታ ቦኣላ ዓኣ ጉርዶፓ ፔቴዘይዳ ኑ ካኣማንዳጉዲ ኪኢታ ታኣም ዳኬኔ፤ ዬያ ዔያታ ማዳሣ ታጊዳ ፑርታ ማዳኒ ጌኔ ማሊሣናኬ። 3 ታኣኒ ማሃያ፡- «ታና ዑካሳ ማዳ ዓኣሣር ማዳ ሃሺ ዒንሣ ዓኣ ቤዘ ዋታኒ ታኣኒ ዳንዳዑዋሴ፤ ዒንሣ ኮራ ታ ሙካኒ ጌባ ዓይጎር ማዳ ታ ዔቁሳንዳይ?» ጌዔ።

4 ዲሞገዮስ ከኢታዎሊ ገንጾ ጋር ማይንቲ ዔያታ ታኣሞ ዳካዛ፤ ታኣኒያ ዓዳ ቤርታ ታ ኬኤዜ ጎይጾማ ዔያቶም ማሄኔ።

5 ዩካፓ ደንጋሶ ሴንባላጻ ፔኤኮ ማዶ ዓሶይዳፓ ፔቴህ ከኢቶና ታኣሞ ዳኬኔ፤ ዒዚ ገዳ ፔ ማላቶ ዓይህባኣ። ጾሺያ ጾሺባኣ ዳኬ ከኢታ ሂዚ ጋዓያኩ።

6 «ኔናንታ ኔኤኮ ዒጊኖ ማዔ ዓይሁዶ ዓሶንታ ፑርቱሞና ዋይዚ ዒፀኒ ማሊህና ኬኤሎ ዲር ዒንህ ኮሻህ ዩያርታህ ኦኤኮ ዓሺኖ ማዔ ዳራ ደንኪ ገሰታኔ፤ ዩይ ጎኔ ማዔህ ገሽሜያ ዔሬኔ፤ ዩያ ሌሊቱዋንቲ ኔኤኒ ኔኤር ካኣታዳኒ ማሌህና፤ 7 ዩሁዳ ዓጮ ካኣቲ ኔ ማዔህ ዩሩላሜይዳ ኬኤዚንታንዳጉዲ ያኦሲ ማሊያ ኬኤዛ ዓሶ ኔ ደኦሬህ ቃሲ ገሽሜ ታኣሞ ኬኤዜኔ፤ ዩያ ሃይሶ ካኣቲ ዋይዛንዳህያ ዔርቲያኩ፤ ዩያር ኔኤና ታኣና ኦ ዋላ ካኣሚ ዩያ ባኮ ዛሎ ገሰቲቲ ኮሺኩ» ጋዓያኩ። 8 ታኣኒ ዒማና ማሃያ፡- «ዩይ ኔ ጋዓ ባካ ቢያ ፔቲታጾ ጎኔቱዋያ፤ ሃህ ኔኤኒ ኔኤር ኬሴ ሃይሴኩ» ገዔኔ።

9 ዩያይዲ ማዶ ኦ ዔቁሳንዳጉዲ ማሃኒ ኦና ዔያታ ዒጊቻኒ ማሌኔ፤ ዩያር ታኣኒ፡- «ያኦዛህዮ! ሃዳራ ታና ደዲሼ!» ገይ ሺኢቁኔ።

10 ዒማና ፔ ማኣራፓ ኬሰኩዋጉዲ ካራ ዑፃ ዋደንቲ ዓኣ ሜሃፃቤሎኮ ናኣዚ ናያ፤ ዳላያ ናኣዚ ሽማዒያ ኮይላ ታ ዓኣዳኔ፤ ዒዚ ታኣሞ፡- «ዔያታ ኔና ዋደኒ ደሚና ሙካንዳህር ኦ ዋላ ያኦሲኮ ገኤዮ ማኣሪ ገሊ፤ ካር ዋደ፤ ዓኣሺንታንዳኔ» ገዔኔ።

11 ታኣኒ ጋዓንቲ፡- «ታጉዳ ዓሲ ፑኒ ዓኣሺንቱዋሴ፤ ታኣኒ ገኤዮ ማኣሪ ገሊ ዓኣሺንቲ ታ ሽምፓህ ዓይሳኒ ኮይሳኔ ገይ ኔ ማላ? ፔቲታጾ ዩያ ታ ማዳዓኩ» ገዔኔ።

12 ዩካፓ ዩያ ባኮ ታ ማላንቲ ዒዚ ዩያጉዳ ሉኦዙሞና ታኣሞ ላቲ ኬኤዛንዳጉዲ ያቢያና ሴንባላጻና ሚኢሹና ዒዛ ገሽያ ማዓንዳፓዓቲም ሽማዒያ ያኦሲፓ ዳኪንቲያ፤ ያኦሲ ማሊህ ኬኤዛያቱዋኣህ ታ ዔሬኔ። 13 ጎኔና ዒ ዩያ ባኮ ማዲያና ታና ዳቢሺ፤ ታ ዑፃ ፑርታ ሃይሴ ገሰቲህና ዒጊቺ ዒጊቺ ሱንጾ ታኣኮ ፑርቲሲ ታና ቦርሲሳኒ ዳሚና ሚኢሹ ዔኬኔ።

14 ዩያር ታኣኒያ፡- «ያኦሲዮ! ያቢያና ሴንባላጻና ማዶ ባኮ ቢያ ኔ ዛገ፤ ዔያቶይዳ ዋገ፤ ኖዳዲያ ገይንታ ያኦሲ ማሊያ ኬኤዛ ላኦሎንታ ማሌ ያኦሲ ማሊያ ኬኤዛ ዓሳ ታና ዒጊቻኒ ማዶ ባኮ ቢያ ማሌ» ገይ ሺኢቁኔ።

ኬኤሎ ዲር ኮሺያኮ ጋፖ

15 ማዳ ዓርቂንቴሢዳፓ ደንጊታሚ ላምዓሳ ኬሊኮ ጊንፃፓኬ፤ ዓሉሌ ጌይንታ ዓገና ጃኤሬንቴ ላማታሚ ደንጋሳ ኬሎና ዲሮ ማዳ ጉቤ ማዲንቴ ጋፔኔ፤ 16 ኦኩኮ ዓሽሮይዳ ናንጋ ማሌ ዴሮ ማዔ ኑ ሞርካ ዬያ ዋይዛያ ማዳ ኮሺ ዲቃሢ ሄርሺሳ ማዳ ማዔሢ ዔሬኔ፤ ሃሣ ዬይ ማዳ ያኦሲ ማኣዴም ማዲንቴያ ማዔሢያ ዔሬሢሮ ሚርጌና ዒጊጨኔ፤ ማይ ሄርሺንታኒ ዔያታ ዳንዳዒባኦ።

17 ዒማና ዓይሁዶ ዓሶኮ ሱኡጋ ያቢያም ሚርጌ ኪኢታ ፃኣፒ ፃኣፒ ዳካኔ፣ ዒዚያ ዔያቶም ማሃ ፃኣፓኔ። 18 ዒራሄ ናኣዚ ሸካኒያ ያቢያኮ ባይሲታሢሮ ዓይሁዶ ዴሮኮ ሚርጌሢ ዒዛና ዋላ ሳሌ ሳላዴያ ዓኣኔ፤ ጊንሣ ሃሣ ሆናኔ ጌይንታ ዒዛኮ ባቴንቆ ናዓሢ ቤሬኪያኮ ናኣዚ ሚሹላሚኮ ዉዲሮ ናይ ዔኬኔ። 19 ሃሣ ዴራ ዒማና ያቢያ ማዳ ኮዡ ባኮ ሄርሺ ዴጊዲ ታ ቤርታ ማዔቴያ ኬኬኤዛኔ፤ ታ ጋዓ ባኮዋ ቢያ ዒዛም ዔያታ ኬኤዛኔ፤ ዬያሮ ዒዚ ታና ዒጊቻኒ ኪኢቶ ፃኣፒ ዳኪፃፓ ጊንሢም ጌይባኦ።

7

1 ዬያይዲ ኬኤሎ ዲራ ኮሺንቴ ጋፔኔ፤ ዬያ ዲሮኮ ካራ ቢያ ቤዛ ቤዛ ጊኢኔኔ፤ ዩካፓ ጌኤዡ ማኣሮ ካፓ ዓሳ፣ ዓይኑም ዓይናዳ ዓሶንታ ማሌ ሌዋ ዓሶንታም ማዳ ማዳ ቤዛ ዒንጊንቴኔ። 2 ታኣኒ ዬሩሳላሚ ካታም ዋይሣንዳጉዲ ላምዖ ዓሲ ዶኦሬኔ፤ ዬንሢያ፡- ታ ጌርሲ፣ ሃናኒና ዋርዲዮ ቤዛኮ ሱኡጋሢ ሃናኒያናኬ፤ ሃናኒያ ያኦሲ ዒጊቹሞና ፒዙሞናኮ ዒዛና ቤቃ ዓሲ ባኣያኬ። 3 ዒማና ታ ዔያቶ ዓይሣሢ ዬሩሳላሚ ካታሞኮ ዲሮ ካሮ ጉቴ ዓባ ያርቂ፣ ዋልዒ ሚቹዋንቴ ቡሉዋጉዲ ጌይኬ፤ ሃሣ ዒባኖ ዓባ ጌሌሰካፓ ካሮ ካፓ ዓሳ ፔ ማኣሪ ዓኣዳንዳሢኮ ቤርታ ዲሮ ካሮ ጋጋርቂ፣ ሃሣ ቁልፒ ዋዳንዳጉዲ ታ ዓይሣኔ። ዬያጉዲ ሃሣ ዔያታ ፔኤር ዬሩሳላሚይዳ ናንጋ ዴሮ ባኣካፓ ካፓ ዓሲ ዶኦሬ፤ ሃሣ ዬያቶይዳፓ ፔቴ ፔቴ ዓሶ ዛላ ቤሲኮ ሱኡጌ ማሃ ጌሣንዳጉዲ፣ ዓቲ ዓሶ ሃሣ ፔኤኮ ማኣሮ ካራ ካራ ዔቂ ካፓንዳጉዲ ላቲ ታ ዔያቶም ኬኤዛኔ።

ዲዒንታፓ ማዔ ዓሶኮ ሱንፃ

4 ዬሩሳላሚ ዴኤፒና ዳልጊ ካታማ ማዔኔ፤ ጋዓንቴ ዒዚይዳ ናንጋ ዴሮኮ ፓይዳ ዳካኬ፣ ሃጊ ሚርጌ ማኣሪ ማዡንቴባኣሲ፤ 5 ያኦሲ ዴሮና ዔያቶኮ ሱኡጌ ማዔ ቢታንታ ዓኣ ዓሶ ታ ቡኩሳንዳጉዲና ዔያቶ ማኣሮ ዓሶኮ ሾይንቶ ዜርያ ፃኣፖና ጎይያ ታ ዛጋንዳጉዲ ታና ማሊሴኔ፤ ዒማና ቤርታዲ ዲዒንታፓ ማዔ ዓሶኮ ዜርያ ዋሊ ሄሊሲ ፃኣፖና ታ ዴንቂኔ፤ ዬይ ታ ዴንቂሢ ሃካፓ ዴማ ዓኣ ጎይያኬ፡-

6 ዲዊንቶይዳ፣ ሚርጌ ዓሲ ባብሎኔ ዓጫ፣ ዓቁ፣ ዩሩሳሌምና ዪሁዳ ዓጫና ባንሢ ማዕረ ማዕረ ፔቴ ፔቴሢ ፔኤኮ ካታሞ ካታሞ ጌሌኔ፤ ዩዩ ዋደና ሩብካዳናዎኦሬ ዲዊ ዩኪ ዓኣዲሰካ፣ ሚርቃዎ ዩዩ ዓሲኮ ማኣሮ ዓሳ ባብሎኔ ዓጫይዳ ናንጋኔ። 7 ዲዊንታ፣ ሚርቃዎ ማዕረ ዋደና ዩዩቶኮ ሱኡጎ ማዕረ ዓሳ፡- ዜሬባቡሌ፣ ዲያሱ፣ ኔሃሚያ፣ ዓዛሪያ፣ ሬዓሚያ፣ ናሃሚኒ፣ ሚርዳኪዮሴ፣ ቤልሻኔ፣ ሚሰፔሬቴ፣ ቢግዋዬ፣ ኔሁሚንታ ቤዓናንታኔ።

8-25 ዲዊንታ፣ ማዕረ ዓሲኮ ፔቴ ፔቴ ቶኦካ፣ ኬሰኪ ኬሰኪ ፃኣ፣ ፕንቴ ዲሰራዔኤሌ ዓሰ ቶኦኮና ሸይንቶ ዜርዎ ሚርጌሞ ፓይዳ ሃካ፣ ጃማ ዓኣ ጎይዎኔ፡-

ፓርዎሼ ቶኦካ፣ ፃኣ፣ ፕንቴ ዓሳ ላምዎ ሺያና ጃኤታና ላንካይታሚ ላምዎ ዓሲ

ሼፓዲያ ቶኦካ፣ ሃይሃ ጃኤታና ላንካይታሚ ላምዎ ዓሲ

ዓራሄ ቶኦካ፣ ላሆ ጃኤታና ደንጊታሚ ላምዎ ዓሲ

ዲያሱና ዲዮዓቤና ቶኦካ፣ ማዕረ ፓሃትሞዓኣቤ ቶኦካ፣ ላምዎ ሺያና ሳሊ ጃኤታና ታጾ ሳሊ ዓሲ

ዔላኣሚ ቶኦካ፣ ፔቴ ሺያና ላምዎ ጃኤታና ደንጊታሚ ያይዶ ዓሲ

ዛቱ ቶኦካ፣ ሳሊ ጃኤታና ያይዲታሚ ደንጎ ዓሲ

ዛካዬ ቶኦካ፣ ላንካይ ጃኤታና ላሂታሚ ዓሲ

ቤኦዬ ቶኦካ፣ ላሆ ጃኤታና ያይዲታሚ ሳሊ ዓሲ

ቤባዬ ቶኦካ፣ ላሆ ጃኤታና ላማታሚ ሳሊ ዓሲ

ዓዝጋኣዴ ቶኦካ፣ ላምዎ ሺያና ሃይሃ ጃኤታና ላማታሚ ላምዎ ዓሲ

ዓደኒቃሜ ቶኦካ፣ ላሆ ጃኤታና ላሂታሚ ላንካይ ዓሲ

ቢግዋዬ ቶኦካ፣ ላምዎ ሺያና ላሂታሚ ላንካይ ዓሲ

ዓዲኔ ቶኦካ፣ ላሆ ጃኤታና ደንጊታሚ ደንጎ ዓሲ

ሂዘቁያሴ ጌይንታ ዓጃሬ ቶኦካ፣ ታዘጲታሚ ሳሊ ዓሲ

ሃሹሚ ቶኦካ፣ ሃይሃ ጃኤታና ላማታሚ ሳሊ ዓሲ

ቤፃዬ ቶኦካ፣ ሃይሃ ጃኤታና ላማታሚ ያይዶ ዓሲ

ሃሪፔ ቶኦካ፣ ጃኤታና ታጾ ላምዎ ዓሲ

ጌባዎኦኔ ቶኦካ፣ ታዘጲታሚ ደንጎ ዓሲ ፃኣ፣ ፕንቴ።

26-38 ሃካ፣ ጃማ ዓኣ ካታሞንሢዳ ናንጋ ቤርታኣ ዓደንሢ ዲዊንታ፣ ማዕረ ዘንሢኔ፡-

ቤቴልሃሜና ኔዎፓናይዳ ጃኤታና ሳሊታሚ ሳሊ ዓሲ ናንጌኔ

ዓናቶቴይዳ ጃኤታና ላማታሚ ሳሊ ዓሲ

ቤትዓዝማዌቴይዳ ያይዲታሚ ላምዎ ዓሲ

ቂርያትይዳሪሚይዳ፣ ኬፐራና ቤዔሮቴናይዳ ላንካይ ጃኤታና ያይዲታሚ ሃይሃ ዓሲ

ራማና ጌባዔናይዳ ላሆ ጃኤታና ላማታሚ ፔቴ ዓሲ

ሚክማሴይዳ ጭታና ለማታሚ ለምጋ ዓሲ
 ቤትዔሌና ዓይናይዳ ጭታና ለማታሚ ሃይሣ ዓሲ
 ለምጋሳ ኔቦይዳ ደንጊታሚ ለምጋ ዓሲ
 ለምጋሳ ዔላክሜይዳ ፔቴ ሺያና ለምጋ ጭታና ደንጊታሚ ያይዶ
 ዓሲ

ሃሪሜይዳ ሃይሣ ጭታና ለማታሚ ዓሲ
 ዒያርኮይዳ ሃይሣ ጭታና ያይዲታሚ ደንጎ ዓሲ
 ሎዴ፣ ሃዲዴና ያሮናይዳ ለንካይ ጭታና ለማታሚ ፔቴ ዓሲ
 ሴናዓይዳ ሃይሣ ሺያና ታዘጳ ጭታና ሃይሣታሚ ዓሲ ናንጌኔ።

39-42 ዲዒንቶይዳ፣ ማዔ ጭሎ ቶኦካ ሃይፓ ዴማ ፓይዲንታ ጎይዖኬ፡-

ዒያሱ ቶኦካ ማዔ ዩዲዒያ ቶኦካ፣ ታዘጳ ጭታና ለንካይታሚ ሃይሣ ዓሲ

ዒሜሬ ቶኦካ፣ ፔቴ ሺያና ደንጊታሚ ለምጋ ዓሲ
 ፓሽሁሬ ቶኦካ፣ ፔቴ ሺያና ለምጋ ጭታና ያይዲታሚ ለንካይ ዓሲ
 ሃሪሜ ቶኦካ፣ ፔቴ ሺያና ታጾ ለንካይ ዓሲ ማዔ። 43-45 ዲዒንታ፣ ማዔ ሌዊ ዓሰ ቶኦካ፡-

ሆዳውያ ቶኦካ ማዔ ዒያሱና ቃድሚዔሌና ቶኦካ፣ ለንካይታሚ ያይዶ ዓሲ

ዓሳኦፔ ቶኦካ ማዔ ጌኤዡ ማኣሮይዳ ዓይኑሞ ዓይናዳ ዓሰ ቶኦካ፣ ጭታና ያይዲታሚ ሳሊ ዓሲ

ሻሉሜ፣ ዓዲሬ፣ ፃለሞኔ፣ ዓቁቤ፣ ሃዲፃና ሾባዬና ቶኦካ ማዔ ጌኤዡ ማኣሮ ካ፣ ማዔ ዓሰ ቶኦካ፣ ጭታና ሃይሣታሚ ሳሊ ዓሲ ማዔ።።

46-56 ዲዒንታ፣ ማዔ ጌኤዡ ማኣሮይዳ ማዳ ዓሰ ቶኦካ፡-

- ዲሃ፣ ሃሱ፣፣ ፃባዖ፣፣
- ቁርሴ፣ ሲዓ፣ ፓዶኔ፣
- ሌባና፣ ሃጋባ፣ ሻልማዬ፣
- ሃናኔ፣ ጊዴሌ፣ ጋሃሬ፣
- ሬዒያ፣ ሬዲኔ፣ ኔቆዳ፣
- ጋዛሚ፣ ዑዛ፣ ፓሴሃ፣
- ቤሳዬ፣ ሜዑኒሚ፣ ኔፓሺሲሚ፣
- ባቅቡቁ፣ ሃቁ፣ ሃርሁሬ፣
- ባፅሊቱ፣ ሜሂዳ፣ ሃርሻ፣
- ባርቆሴ፣ ሲሴራ፣ ቱማሄ፣
- ኔፅሃና ሃዲ፣፣።

57-59 ዲዒንቶይዳ፣ ማዔ ሴሎሞንም ማዳ ዓሰኮ ቶኦካ፡-
 ሶፃዬ፣ ሶፔሬቱ፣ ፔሪዳ፣

ያዕላ፣ ዳርቆኔ፣ ጊዳሌ፣
ሼጋጃ፣ ሃዲሌ፣ ፖኬሬቴ፣
ሃዳባይሚና ዓሞኦኔናኮ።

60 ዲዒንቶይዳገ ማዕ ጌኤዠ ማኣርይዳ ማዳ ዓሶና ሴሎሞንም
ማዳ ዓሶ ዜርዖኮ ሚርጉማ ሃይሆ ዌኤታና ታዘጲታሚ ላምዖ
ዓሲኬ።

61-62 ቴልሜላሃ፣ ቴልሃሪሻ፣ ኬሩቤ፣ ዓዶኔና ዒሜሬ ጌይንታ
ካታሞ ዙሎ ጉርዳገ ማዕዘንሢ፡- ዴላያ፣ ያቢያና ኔቆዳ ቶኦኮኮ
ሚርጉማ ላሆ ዌኤታና ያይዲታሚ ላምዖኮ፤ ያዲ ማዕቴያ ዩንሢ
ቢያ ዒሲራዔኤሌ ዓሶ ዜርዖ ማዕሢ ዔርዘኒ ዳንዳዒሳ ባኣዘ
ዔያቶኮ ባኣሴ።

63-64 ሃካገ ሊካ ዴማ ዓኣ ቁኤሶ ቶኦካ ዔያቶኮ ቤርታኣ ዓዶንሢ
ሾይንቶ ዜርዖ ጎናሲ ዔራኒ ዳንዳዒባኣሴ፤ ዩንሢያ፡- ሆባዩ፣ ሃቆፃና
ባርዚላዩናኮ፤ ቁኤሶ ቶኦኮ ማዕ ባርዚላዩኮ ቤርታኣ ዓዳሢ
ጌሌዓዴ ሾይንቲ ማዕ ባርዚላዩ ቶኦካገ ፔቴ ላኣሊሰኬና ዔኬኔ፤
ዩያይዳገ ዔቁያና ባይሲ ቶኦኮ ዳካሊ ዒ ናንጌኔ፤ ዩይ ዓሳ ዔያቶኮ
ቤርታኣ ዓዶንሢኮ ሾይንቶ ዜርዖ ጎናሲ ዔራኒ ዳንዳዒባኣሢር
ቁኤሴ ማዒ ዔያታ ማዳንዳጉዲ ዓይሢንቲባኣሴ። 65 ዩያር ዪሁዳ
ዓጮ ዎይሣሢ ያኦሲ ማሊያ ዲማሲ ዔርዘ ባኮና ማዳ ቁኤሴ
ኬሰካንዳያ ሄላንዳኣና ያኦሲም ዒንጊሢ ማዒ ዒንጎ ባኮይዳገ
ዔያታ ሙዒኒ ዳንዳዒባኣሴ ማዕሢ ዔያቶም ከኤዘኔ።

66-69 ዲዒንቶይዳገ ማዕ ዴርኮ ሚርጉማ ዎሊ ዑፃ ያይዲታሚ
ላምዖ ሺያና ሃይሆ ዌኤታና ላሂታሚናኮ

ዓቲንቆና ላኣሎ ካራሞናኮ ገይዳ ላንካይ ሺያና ሃይሆ ዌኤታና
ሃይሢታሚ ላንካይኮ፤

ያኦሲ ቦንቾም ዓይኦም ዓይናዳ ዓቲንቆና ላኣሎናኮ ገይዳ ላምዖ
ዌኤታና ያይዲታሚ ደንጎ

ዔያቶኮ ገራሢ ሚርጉማ ላንካይ ዌኤታና ሃይሢታሚ ላሆ

ባቁሎ ሚርጉማ ላምዖ ዌኤታና ያይዲታሚ ደንጎ

ገኣላሢ ሚርጉማ ያይደ ዌኤታና ሃይሢታሚ ደንጎ

ሃር ሚርጉማ ላሆ ሺያና ላንካይ ዌኤታና ላማታሚናኮ።

70-72 ፔቴ ፔቴ ማኣር ዓሶኮ ሱኡጋ ጌኤዠ ማኣር ጊንሣ ማካኒ
ማኣዲያ ዲማ ዲማ ባኣዚ ማዳኔ፤ ዔያቶይዳገ ፔቴ ፔቴዘንሢ፡-
ዓጮ ዎይሣሢ ሳሊ ኪሎ ማዓ ዎርቁ፣ ደንጊታሚ ዔቴ ሳኣኔ፣ ደንጎ
ዌኤታና ሃይሢታሚ ቁኤሳ ማኣዓ ማኣያ ሜሆ ጌሆ ማኣራ
ዒንጌኔ።

7:65 7:65 ኬሲ. ማፃ 28:30፤ ላሚ. ዎማ 33:8።

ዲማ ዲማ ቶኦኮ ሱኡጋ፡- ጃኤታና ላሂታሚ ሳሊ ኪሎ ማዓ ዎርቁ፡
ፔቴ ሺያና ላምዎ ጃኤታና ደንጊታሚ ማዓ ሹቺ ቢራ
ዒንጌኔ።

ሃንጎ ዓቴ ዴራ ጃኤታና ላሂታሚ ሳሊ ኪሎ ማዓ ዎርቁ፡ ፔቴ ሺያና
ፔቴ ጃኤታና ኪሎ ማዓ ሹቺ ቢራና ላሂታሚ ላንካይ ቁኤሴ
ማኣዎና ዒንጌኔ።

73 ዬያይዲ፡- ቁኤሳ፡ ለዊ ዓሳ፡ ጌኤዠ ማኣሮ ካፓ ዓሳ፡
ዓይኑሞ ዓይናዳ ዓሳ፡ ጌኤዠ ማኣሮይዳ ማዳ ማዳ ዓሶንታ ጉቤ
ዒሰራዔኤሌ ዓሳ ፔ ካታማ ካታማ ዲንኪ ዴዔኔ።

8

ዒዘራ ያኦሲ ዎጎ ዴሮም ናባቤሢ

1 ዒሰራዔኤሌ ዴራ ላንካሳ ዓጊኖና ፔኤኮ ካታማ ካታማ ጋፒ
ዴዔኔ፤ ዬኖ ዓጊኖኮ ዓይዎ ዓቦና ዬሩሳላሚይዳ ዎኣዎ ካሮ ጌይንታ
ዓሳ ቡካ ጳኦኮኮ ጋሮ ዛሎና ዴራ ቢያ ፔቴይዳ ቡኪንቴኔ፤ ያኦሲ
ሙሴ ዛሎና ዒሰራዔኤሌ ዴሮም ዒንጌ ዎጎ ናባቤ ዔሬያ ማዔ፡
ቁኤሳሢ ዒዘራ ዎጎኮ ማፃአፖ ዔያቶም ዔኪ ሙካንዳጉዲ ዔያታ
ያኦጩኔ። 2 ዬያሮ ቁኤሳሢ ዒዘራ ላንካሳ ዓጊና ጃኤሬ ቤርታሳ
ኬሎና ማሊ ጳቂሢ ዒና ዔካኒ ዳንዳዓ ዴሮ ቢያ፡ ላኣሎንታ
ዓቲንቆንታ ናኣቶንታ ጋርቻኣ ዓቲዎዎ ቡኪንቲ ዓኣ ቤዞ ዎጎ ማፃአፖ
ዔኪ ሙኬኔ፤ 3 ዬያ ዓሳ ቡካ ጳኦኮይዳ ዒዘራ ዲሮ ካሮ ኮይላ
ዔቃዎ ጉቴ ዓሚፓ ዴንዲ ዓባ ሳዛ ሄላንዳኣና ዎጎ ማፃአፖ ዴግ ጌዔ
ዑኡሲና ዴሮም ናባቤኔ፤ ዴራ ቢያ ዒማና ዒናፓ ዎይዜኔ።

4 ዒዘራ ዬያ ባኮም ጊኢጋንዳጉዲ ሚሢና ኮሾና ዴጌ ቤሲዳ
ዔቁኔ፤ ዒማና ዒዛኮ ሚዛቆ ዛላ ዔቁ ዓሳ፡- ማቲትያ፡ ሸማዔ፡
ዓያና፡ ዑሪያ፡ ሂልቁያና ሚዕሴና ማዓዛ ሻውሎ ዛላ ሃሣ፡-
ፔዳያ፡ ሚሻዔኤሌ፡ ማልኪያ፡ ሃሹሜ፡ ሃሽባዳናሄ፡ ዛካሪያሴንታ
ሜሹላሚንታኬ።

5 ዒዘራ ዴሮይዳፓ ዴጊዲ ኮሾና ቤዞይዳ ዔቃዛ ቢያሢ ዒዛ
ጊኹ ጌይ ዛጌኔ፤ ዒዚ ዒማና ዎጎ ማፃአፖ ቡላዛ፡ ዴራ ቢያ ዴዔ
ቤዛፓ ዔቁኔ፤ 6 ናንጊና ናንጋ ጎዳ ማዔ ዴኤፖ ያኦዛሢ ዒዘራ
ጋላቴኔ፤ ዴራኣ ቢያ ዒማና ኩጮ ሌካ ጫሪንጮ ባንሢ ዔቁሳዎ፡-
«ዓኣሜን! ዓኣሜን!» ጌዔኔ፡ ባሊቶና ሳዎ ሄሊሲያ ያኦሲም ዚጌኔ።

7 ዬካፓ ዓሳ ቤርታ ዓኣ ቤዛ ዔቁኔ፤ ሄሊሳዎ ሃሣ ሃካፓ ሊካ
ሱንዓ ፓይዲንታ ለዊ ዓሳ ዎጎ ማፃአፖኮ ቡሊያ ዓሳም ቡሊ ቡሊ

7:73 7:73 1ዮኦሲ. ዓሃኬ 9:2፤ ነሄ. 11:3።

ከኤዘኔ፤ ዩንሢያ፡- ቢያሱ፡ ባኒ፡ ሹሬቢያ፡ ያሚኔ፡ ዓቁቤ፡ ሻቤታዬ፡ ሆዲያ፡ ሚዕሰቤያ፡ ቁሊፃ፡ ዓዛሪያሴ፡ ዮዛባዴ፡ ሃናኒታ ፔላያንታኬ። 8 ዓይታ ዴሮም ያኦሲኮ ዋጎ ማፃአፖ ናባባዎ፡ ዬይ ናባቢንቴህ ዴሮም ዔርታንዳፖዲ ቡሊ ቡሊ ከኤዛኔ።

9 ዴራ ዬያ ዋጎ ቃኦሎ ዋይዜ ዋዶና ቢና ሜቂ ዬኤኮኔ፤ ዬያር ዓጮ ዋይህ፡ ኔሃሚያንታ ዋጎ ኮሺ ዔራ ቁኤሳህ ሲዘራንታ ዴሮ ዔርዛ ሊዊ ዓሰንታ፡- «ሃናኦ ከላ ናንጊና ናንጋ ጎዳ ማዔ ቢንህ ጸኦዛህም ዴማዴ ከሊታህረ ያዩ ቢንህ ዬኤካንዲያ ኮይሱቆሴ» ጌዔኔ። 10 ቢማና ኔሃሚያ፡- «ዓካሪ ሃህ ቢንህ ማኦ ማኦ ሳኦዲጋፓ ቢንህኮ ዓኦ ኮዮ ሙዎ ሙይ ዑዮዋ ዑሽኩቀቴ፤ ፔቴታዎ ዔኤቢ ባኦዘንህማኦ ፓቂ ዳኩቀቴ፤ ሃናኦ ከላ ናንጊና ናንጋ ጎዳ ማዔ ኦ ያኦዛህም ዴማዴ ከሊኮ፤ ዬያር ያደፖቴ፡ ያኦሲኮ ዋዛ ቢንህኮ ዋልቆኬ» ጌዔኔ።

11 ዬኖ ያኦሲም ዴማዴ ከሎና ዴራ ያንዳያ ኮይሱቀኦህ ሊዊ ዓሳ ዴሮም ከኤዘህና ዴሮኮ ቢላቶ ዚቴዴኔ፤ 12 ዬያር ዴራ ቢያ ዔያቶም ናባቢንቴ ቃኦሎ ቢና ዔኮህረ ፔ ማኦ ማኦ ዴንዲ ሙይ ዑሽኪ ዑሽኪ ሚርጌና ዋዛዴኔ፤ ሃሃ ዔያቶኮ ዓኦ ሙዎቀ ባኦ ዓሰና ዋላ ጊሽቴ ጊሽቴ ሙዔኔ፤

ወልሾ ዴማ ዴዒ ቦንቸንቴ ቦንቸ

13 ዬካፓ ዘር ጉቴሎ ቶኦኮ ቶኦኮኮ ሱኡጋ ቁኤሶና ሊዊ ዓሰና ዋላ ፔቴይዳ ዋጎ ማፃአፓ ከኤዜ ባኮ ዔራኒ ሲዘራ ኮይላ ዓኦዴኔ።

14 ቢሰራዔኤሌ ዓሳ ዋጎ ናባባ ዋዶና ላንካሳ ዓጊኖይዳ ውልሾ ዴማ ዴዒ ቦንቸ ከሊ ማዒ ቦንቸንታንዳፖዲ ዓይህንቴያታህ ያኦሲ ሙሴ ዛሎና ዓይህ ዋጎይዳ ፃኦፒንቴ ዓኦያታህ ዴንቁኔ። 15 ዬያር ሃካፓ ዴማ ከኤዘንታ ዳምቦ ጊኦጊሺ ዬሩሳላሜ ካታሞና ጉርዶ ቢያህም ዳኮኔ፤ ዬይ ዳምባ፡- «ሌካ ጌሜር ከሰኪ ዛይቶ ሪሚቶኮ ዋርቁ ካኦፖንታ ባርሴኔቴ ጌይንታ ሚያንታ ሚኤፀንታ ሃንጎ ሚያኮዋ ዋርቁ ካኦፖ ቴቂ ዔኪ ዬዑቀቴ፤ ዋጎ ማፃአፖይዳ ፃኦፒንቴ ዳምቦ ጎይዎ ወልሻ ወልሹቀቴ» ጋዓያኬ።

16 ዬካፓ ዴራ ሚያኮ ዋዶ ካኦፖ ቆፂ ቆፂ ዔኪ ሙኪ ፔኤኮ ናንጋ ጉቦ ጋራ፡ ማኦሮኮ ያኦዚንያይዳ፡ ጌኤዮ ማኦሮኮ ዓሳ ቡካ ጸኦኮና ዋኦያ ካር ጌይንታ ጸኦኮናይዳ፤ ዬያጉዲ ሃሃ ዔፕሬኤሚ ጸኦኮይዳ ወልሹኔ፤ 17 ዲዒንታፓ ማዒ ሙኬ ዓሳ ቢያ ወልሾ ወልሹ ወልሹ ዴማ ዴዔኔ፤ ዬይ ኔዊ ናኦዚ ቢያሱ ዋዶፓ ሃንጋ ኮይሪ ማዲንቴያኮ፤ ዬይ ዬያቶ ፔቴ ፔቴህ ኮሺ ዋዛሴኔ። 18 ቦንቸ

8:15 8:15 ሊዊ. ዓኬ 23:33-36፤39-43፤ ላሚ. ዋማ 16:13-15።

ከሌ ቦንቸንቶ ዓርቁሰካፓ ዳንዲ ጋፖ ከሎ ሄለንዳኣና ዒዝራ ከሌ ከሌ ጸኦሲኮ ዎጎ ማፃኣፓፓ ፔቴ ፔቴ ቤሲ ናባባኔ፤ ዬያ ቦንቸ ከሎ ላንካይ ከሌ ጉቤ ዔያታ ቦንቸኔ፤ ዬካፓ ሳላሳ ከሎና ዎጋ ዓይሣ ጎይያ ቦንቸ ከሎ ጋፖና ዲማዴ ቡኪንቲ ቡኪንቲኔ።

9

ዒሰራዔኤሌ ዳራ ጎሞ ቡኡፃሢ

1 ዬኖ ዓገሮኮ ላማታሚ ያይዳሳ ዓቦና ዒሰራዔኤሌ ዳራ ፔቴይዳ ቡኪንቲኔ፤ ዔያታ ዒማና ፔኤኮ ጎሞ ዛሎ ዳቤያ ማዒያ ዔርዛኒ ሲዬ ፓቲሌ ማይንቲ፣ ፔኤኮ ቶኦኮይዳ ዓጪ ዋሂ፣ ሙዖ ሃሾ ዳምቦ ዡንሣኔ፤ 2 ዔያታ ፔና ማሌ ዳሮይዳፓ ዲማሴኔ፤ ዬያይዳሰካፓ ቢያሢ ዴዔ ቤዛፓ ዔቃያ ዔያቶና ዔያቶኮ ቤርታኣ ዓድንሢና ማዴ ጎሞ ቢያ ቡኡፃኔ። 3 ዔያታ ዔቁ ቤዘማካ ዓኣንቲ ሃይሣ ሳኣቲ ጉቤ ናንገና ናንጋ ጎዳ ማዔ ዔያቶ ጸኦካሢኮ ዎጎ ማፃኣፓ ዔያቶም ናባባኔ፤ ገንሣ ሃሣ ዒማ ዔያታ ኔገማጉዴያ ኔገ ፔኤኮ ጎሞ ቡኡፃ ቡኡፃ ናንገና ናንጋ ጎዳ ማዔ ፔ ጸኦካሢኮም ዚጌኔ።

4 ዒኢካ ሌዊ ዓሶም ዔቆንዶ ዴጌ ቤሲ ኮሾናያ ዓኣኔ፤ ዬኖ ቤዘይዳ፡- ዒያሱ፣ ባኒ፣ ቃድሚዔኤሌ፣ ሹባኒያ፣ ቡኒ፣ ሹሬቢያ፣ ባኒንታ ከናኒንታ ዔቃያ ናንገና ናንጋ ጎዳ ማዔ ዔያቶኮ ጸኦካሢ ዴግ ጌዔ ዑኡሲና ሺኢቄኔ።

5 ሃሣ ዒያሱ፣ ቃድሚዔኤሌ፣ ባኒ፣ ሃሻቤኒያ፣ ሹሬቢያ፣ ሆዲያ፣ ሹባኒያንታ ፔታህያ ጌይንታ ሌዊ ዓሶንሢ፡-
«ዒንሢ ዔቁጋፓ ናንገና ናንጋ ጎዳ
ዒንሢኮ ጸኦካሢ ጋላቱዎቴ፤
ጋላታና ዓንጅኮ ቢያ ዑሣ
ዒ ዴግ ዴገ ጎዶንጎ! ጎውዎቴ» ጌዔኔ።

ቡኡፃ ሺኢጲሢ

6 ዬካፓ ዒሰራዔኤሌ ዳራ ሃዚ ጌይ ሺኢቄኔ፡-
«ናንገና ናንጋ ጎዳሢዮ! ኔኤኒ ሌሊ ጸኦሲኮ፤

- ጫሪንጮንታ
- ጫሪንጮኮ ጫሪንጮ ዡኦጋሢንታ
- ሳዖና ዒኢካ ዓኣ ባኮ ቢያ
- ባዘንታ ዬያቶይዳ ዓኣ ባኮ ቢያ
- ኔ ማዡኔ፤ ቢያሢኮ ሹምፔ ኔ ዒንጌኔ፤
- ጫሪንጮ ማዡንታ ኔኤም ዚጋኔ።

7 ባብሎኔይዳ ዑራ ጌይንታ ካታሚሎይዳፓ
ዓብራሜ ዶኦሪ ሃይካ ዔኪ ሙኩሢ

ሱንጾዋ ዲዛኮ <ዓብራሃም> ጌይ ጌህህሂ
ኔኤኒ ናንጊና ናንጋ ጎዳ ጾኦሲኬ።

8 ዲዛኒ ኔኤም ጉሙርቁንቴያ ማዕይህ ኔ ዛጊ
ዲዛና ዋላ ኔ ጫእቄኔ፤
ካእናኔ ዓሳ፣ ሂኢታ ዓሳ፣
ዓሞራ ዓሳ፣ ፔርዛ ዓሳ፣
ዲያቡሳ ዓሳንታ ጌርጌሳ ዓሳንታ
ናንጋ ካእናኔ ዓጮ
ዲዛኮ ዜርጾም ናንጊ ዓጪ ማሂ
ዲንጋኒ ኔ ዲዛም ጫእቄኔ፤
ኔኤኒ ጉሙርቁንታያታሂሮ
ኔ ጫእቄሞ ኔኤኒ ደዲ ካፔኔ።»

9 «ኔኤኒ ኩኩኮ ቤርታኦ ዓድንሂ ጊብጻይዳ
ሄሌ ሜታሂ ዛጌኔ፤
ሃሃ ዘቄ ባዘ ኮይላ ዓኣዖ
ዔያቶ ኔ ማኣደም ዔያታ ኔና ሺኢቄሂ ኔ ዋይዜኔ።

10 ጊብጻ ካኦቲዳ
ዲዛኮ ቢታንታ ዓኣ ዓሶና ዓጮናይዳ
ናንጋ ዴር ቢያይዳ
ዲቃህያ ማዕይ ኔ ዋልቆና ማዲንታ ባኮ ፔጋሲ ኔ ዳዌኔ።
ዬያ ኔ ማዲሂ ዔያታ ኩኩኮ ቤርታኦ ዓድንሂ
ዋማይዲ ሄርቄ ዋይሂቴያ ኔ ዛጌሂሮኬ፤
ዬያ ኔ ማዲያና ሃኖ ሄላንዳኣና
ዴኤፑማ ኔኤኮ ዔርቴያ ማዕይ።

11 ባዘ ዋኣዖ ኔ ዔያቶኮ ቤርታ ላምዖ ፓቄም
ዔያታ ጻኣዲ ሳዓና ፒንቄኔ፤
ሹቸ ባዘ ዋኣዖይዳ ኬኤሪንታሂጉዲ
ዔያቶ ዳውሳዘንሂ
ባዘ ዋኣዖ ዔቶይዳ ዔኪ ኔ ዓጌኔ።

12 ሮኦር ኔ ዔያቶ ፒዝ ጌይ ዔቄ ሻኦሪና ካኣሌህኔ፤
ዋንቶ ጎይዖ ዔያቶኮ ኔ ፒዝ ጌዒ ዔቄ ታሚና ፖዔኔ፤

13 ጫሪጎጫፓ ሲና ዲኮይዳ ኔ ኬዲ
ዴሮና ኔኤኮ ኔ ጌሰቴኔ፤

9:7 9:7 ማዢ. ማጻ 11:31—12:1፤ 17:5። 9:8 9:8 ማዢ. ማጻ 15:18-21።
9:9 9:9 ኬሲ. ማጻ 3:7፤ 14:10-12። 9:10 9:10 ኬሲ. ማጻ 7:8—12:32።
9:11 9:11 ኬሲ. ማጻ 14:21-29፤ 15:4-5። 9:12 9:12 ኬሲ. ማጻ 13:21-22።

ፒዜ ማዕ ዎጎና ዳምቦና
ኮሺ ማዕ ዳምቦና ዓይሢያና ኔ ዔያቶም ዒንገኔ።

14 ኔኤኮ ዲማዴ ሃውሽ ኬሎ ዔያቶ ኔ ዔርዘኔ፤
ኔ ዓይላሢ ሙሴ ዛሎና
ኔ ዓይሢያ፣ ኔ ዳምቦንታ ኔኤኮ ዎጎንታ ኔ ዔያቶም ዒንገኔ።»

15 «ዔያታ ናይዳዛ ጫሪንጫፓ ሙኡዚ ኔ ዔያቶም ዒንገኔ፤
ዔኤታ ዴኤቢንታዛ ላላፓ ዋአሢ ኔ ዔያቶም ኬሴኔ፤

ኔ ዔያቶም ዒንገኒ ጫአቄ ዓጮ
ዔያታ ፔ ዳማ ማሃንዳጉዲ ኔ ዔያቶ ዓይሢ።

16 ጋዓንቴ ኦኡኮ ቤርታአ ዓድንሢ ያቶርቃያና ዋይዚ ዒፃ ዓሲ
ማዔኔ፤

ኔ ዎጎና ናንጊያዎ ዔያታ ዒፃኔ፤

17 ዔያታ ዓይሢንታያ ማዒባአሴ።
ኔ ዎልቆና ኔ ዔያቶ ባአካ ማዴ ባኮ ቢያ ዔያታ ዋሌኔ፤

ዋይዘ ዒፃ ደዳያ ማዒ
ጊብፃ ዓይሎም ባንሢ ዔያቶ ዔኪ ዓአዳንዳ
ሱኡጌ ዔያታ ደኦሬኔ።

ኔኤኒ ጋዓንቴ ናሹም ኩሜያ
ዳጋዳኒ ሩኡሩዋያ ዓቶም ጋዓያ
ኮሺ፣ ሃሣ ዓቶም ጋዓ ያኡሲ ማዔሢሮ ዔያቶ ኔ ሃሺባአሴ።

18 ናኤሪ ማሊሲ ካአሽኮ ባአዚ ፔኤም ዔያታ ኮሺ
ጊብፃ ዓጫፓ ዔኪ ኦና ኬሴ ጎዳ ሃያኬ፣ ጌዔኔ፤
ዬያ ሌሊቱዋንቴ ዴኤሢ ጫሺ ኔና ዔያታ ጫሽኬኔ፤

19 ጋዓንቴ ማአሪፃ ኔኤኮ ዴኤፒታሢሮ
ዬያ ዓሳ ናንጉዎ ዳውሎይዳ

ዔያታ ባይቃንዳጉዲ ኔ ዔያቶ ሃሺባአሴ፤
ሮኦሮና ዋንቶና ዔያቶ ዔኪ ዓአዳንዳ
ሻአሮ ሃሣ ገንሣ ታም ፖፆ ኔ ዔያቶፓ ሺኢሺባአሴ።

20 ዔያቶ ዔርዘንዳ ኔኤኮ ሚጫንታ ዓያኖ ኔ ዔያቶም ዒንገኔ፤
ዔያታ ሙዓንዳ ማና፣ ሃሣ ዔያታ ዑሽካንዳ ዋአሢያ ኔ
ዔያቶም ዒንገኔ።

9:14 9:14 ኬሲ. ማፃ 19:18—23:33። 9:15 9:15 ኬሲ. ማፃ 16:4-15፤
17:1-7፤ ላሚ. ዎም 1:21። 9:16 9:16 ፓይ. ማፃ 14:1-4፤ ላሚ. ዎም 1:26-33።
9:17 9:17 ኬሲ. ማፃ 34:6፤ ፓይ. ማፃ 14:18። 9:18 9:18 ኬሲ. ማፃ 32:1-4።

21 ያይዲታሚ ሌዔ ጉቤ ዓሳ ናንጉዋ ደውላ ዔያታ ሃንታኣና ኔ ዔያቶ ማኣዳኔ፤
 ዔያቶም ኮይሳ ዓይሳ ባኣዚያ ቢያ ኔ ዔያቶ ላኣገባኣሴ፤
 ማኣዓሢ ዔያቶኮ ደርዒ ጋፒባኣሴ፤
 ቶካኣ ዔያቶኮ ኪደባኣሴ።»

22 «ዔያታ ሜሌ ዳሮ ዓጮንታ ካኣቶንታ ያሊ ባሺ
 ዔያቶ ሳዖኮ ዛጳ ማዓ ዓጮ ዓርቃንዳጉዲ ኔ ማሄኔ፤
 ሃሴቦኦኔ ካኣቲ ሲሆኔ ዓጮ
 ባኣሳኣኔ ካኣቲ ዓገ ዓጮዋ ያሊ ዔያታ ዓርቄኔ፤

23 ሚርጉማ ጫሪንጮ ዉጫሢጉዲ ማዔ ናይ ዔያቶም ኔ ዒንጌኔ፤
 ዔያቶኮ ቤርታኣ ዓደንሢም ዒንጋኒ ኔ ጫኣቄ ዓጮ
 ያሎና ዔያታ ባሺ ዓርቃንዳጉዲ ኔ ማሄኔ።

24 ናኣታ ዔያቶኮ ያሎና ባሺ ካኣናኔ ዓጮ ዓርቄኔ፤
 ዔያቶኮ ቤርታ ማዒ ዒኣካ ናንጋ ዳሮ ያሎና ኔ ባሺኔ፤
 ካኣቶንታ ዬኖ ካኣናኔ ዓጮ ዳሮናይዳ
 ዔያታ ኮዔ ባኣዚ ቢያ ማዳንዳጉዲ ዋልቄ ኔ ዔያቶም
 ዒንጌኔ።

25 ከልቄ ዲርቆና ካታሞና
 ዬኖ ማሎ ዓጮሎ
 ኮሺ ባኣዚና ቢያ ኩሜ ማኣር
 ቦኣኪንቴ ዋኣፆ ዔቶንታ ዋይኖ ቱኮ ቤዘንታ
 ሪሚቶንታ ሜሌ ዓኣፖ ዓኣፓ ሚርጌ ሚፆዋ
 ቢያ ዔያታ ዔኬኔ፤
 ሙዒ ሚሸኪ ዑፆ ፔኤኮ ዔያታ ዲጪሴኔ፤
 ኔ ኮሹሞና ኔ ዔያቶም ዒንጌ ባኮና ቢያ ዔያታ ዋዛዳኔ።»

26 «ጋዓንቴ ኔ ዳራ ኔኤም ዋይዘ ዒዲ
 ኔ ቃኣሎም ዓይሢንቴፆዋ ዒፆኔ፤
 ኔ ዋጎም ዔያታ ዋይዘ ዒዲ ዙሎ ፔኤኮ ሺርሸኔ፤
 ኔ ባንሢ ዔያታ ማዓንዳጉዲ ላቲ
 ዔያቶ ዔርዜ ኔ ማሊፆ ከኤዛዘንሢ ዔያታ ዋዳኔ፤
 ሃሢ ቢያ ዋዳ ኔና ዔያታ ፑርታ ጫሺ ጫሸከኔ፤

27 ዬያሮ ሞርካ ያሎና ዔያቶ ባሺ
 ዔያቶ ዋይሃንዳጉዲ ዓኣሢ ኔ ዔያቶ ዒንጌኔ፤

9:22 9:22 ፓይ. ማፃ 21:21-35:: 9:23 9:23 ማኸ. ማፃ 15:5፤ 22:17፤ ዒ.ያ. 3:14-17:: 9:24 9:24 ዒ.ያ. 11:23:: 9:25 9:25 ላሚ. ዋማ 6:10-11::

ሞርካ ዔያቶ ሄርቁ ዋይህኔ።
 ዔያቶ ሜቲ ዋዶና ማአዶ ዴንቃኒ
 ኔ ባንሢ ዔያታ ዒላቴኔ፤
 ኔኤኒያ ጫሪንጫ ዓአፆ ዔያቶም ዋይዜኔ፤
 ኔኤኮ ዴኤፖ ማአሪፆይዳፓ ዔቁያና
 ዔያቶ ሞርካፓ ዔያቶ ዓውሳንዳ ሱኡጌ ኔ ዔያቶም ዳኮኔ።

28 ጋዓንቴ ኮሺ ዔያቶም ማዔ ዋዶና
 ገንሣ ዔያታ ጎሜ ማዴኔ፤
 ዬያሮ ጆሎና ዔያቶ ባሻንዳ ሞርኮም ኔ ዔያቶ ሃሼኔ፤
 ሞርካኣ ዔያቶ ዋይህኔ፤
 ኔ ዔያቶ ማአዳንዳጉዲ
 ገንሣ ኔና ዔያታ ጆኦጭ ዋዶና
 ኔኤኒ ጫሪንጫ ዓአፆ ዔያቶም ዋይዜኔ፤
 ኔኤኮ ሚጠገንቶ ዴኤፑማፓ ዔቁያና
 ቢያ ዋዶ ኔ ዔያቶ ዓውሱኔ።

29 ዔያታ ኔ ዋጎ ባንሢ ማዓንዳጉዲ
 ኔ ዔያቶም ላቴኔ፤
 ጋዓንቴ ዔያታ ፔ ጆቶርሙሞና ዓይሢፆ ኔኤሲ ቦህኔ፤
 ማዲ ዔያታ ኩንሣቶ ሸምፔ ዔያቶም ዒንጋንዳ
 ኔ ዋጎ ዳቢ ጎሜ ዔያታ ማዴኔ።
 ዒኔ ባይቁሢና ዓአፖ ካሮ ዔያታ ፔኤኮ ሸርሸኔ፤
 ዋይዚ ዒፃያ ማዒ ዶዲፆና ዋይዙዋኣያ ማዔኔ።

30 ሚርጌ ሌዔ ኔ ዔያቶ ገቢኔ፤
 ዔያቶ ዔርዘንዳጉዲ ኔ ማሊፆ ከኤዛዘንሢ
 ኔኤኮ ዓያሮና ኔ ዔያቶም ዔቁሴኔ፤
 ጋዓንቴ ዔያታ ኔኤም ዋይዚባኣሴ፤
 ዬያሮ ዔያቶኮ ዓሸሮ ማዔ ሜሌ ዴራ ጆሎና ዔያቶ ባሻንዳጉዲ
 ዓአሢ ኔ ዔያቶ ዒንጌኔ።

31 ገንሣ ኔኤኮ ማአሪፆ ዴኤፑማፓ ዔቁያና
 ኔ ዔያቶ ሃሸባኣሴ፤
 ኔኤኒ ኮሺ፥ ሃሣ ዓቶም ጋዓ ጆኦሲታሢሮ
 ኔ ዔያቶ ባይዚባኣሴ።»

32 «ኔኤኮ ጫኣቁሞንታ ናንገና ናንጋ ናሹሞ ካፓ
 ዴኤፖ ዋልቆና ዒገቻ ኑ ጆኦዛሢሮ!
 ኑገዳ፥ ኑ ካኣቶይዳ፥ ኑ ሱኡጎይዳ፥

9:28 9:28 ሱኡጎ. ማፆ 2:11-16። 9:29 9:29 ሌዊ. ዓኹ 18:5። 9:30
 9:30 2ካኣቶ. ማ 17:13-18፤ 2ጆኦሲ. ዓሃኹ 36:15-16።

ኑ ቁኤሶይዳ፣ ኔ ማሊያ ኑሞ ኬኤዛዘንሢዳ፣
ኑኡኮ ቤርታኣ ማዖንሢንታ ዩያጉዲ ኔ ዴሮ ጉቤሢሢዳ
ባሶኦሬ ካኣቶይዳፓ ዴንዲ ሃኖ ሄላንዳኣና
ኑና ሄሌ ሜታሢ ቢያ ማሌ።

33 ኔ ኑጊዳ ዎጋኒ ማሊ ማዴ ባካ ፒዜኬ፤
ኑኡኒ ዳቢንቲ ማዴያ ማዔቴያ ኔኤኒ ኔኤኮ ጉሙርቂንቲዖና
ዶዴ ቤዛኬ።

34 ኑኡኮ ቤርታኣ ዓደንሢንታ ካኣቶንታ
ኑኡኮ ሱኡጎንታ ቁኤሶንታ
ኔ ዎጎ ዔያታ ካፒባኣሴ፤
ኔ ዔያቶ ዓይሄ ዓይሢንታ ላቲዖዎ ዔያታ ዎይዚባኣሴ።

35 ዔያቶኮ ካኣቶና ኔ ዔያቶሞ ዒንጌ ዓንጅና
ኔ ዔያቶሞ ዒንጌ ዳልጎና ማሎ ዓጮናይዳ
ዔያታ ዎዛዲ ናንጋ ዎደናታዖ
ኔና ዔያታ ካኣሽከባኣሴ፤
ዔያቶኮ ጎማፓኣ ዔያታ ማዒባኣሴ።

36 ዩያሮ ኔኤኒ ኑ ዓደንሢሞ ዓኣፖ ዔያታ ሙዓንዳጉዲና
ኮሺ ባኣዚና ዔያታ ዎዛዲንዳጉዲ
ኔ ዔያቶሞ ዒንጌ ሳዔሎይዳ
ሃይሹ፣ ኑ ሃኖ ካራሚ ማዔኔ።

37 ኑ ጎሜ ማዴሢሮ ኔ ዖዩ
ኑና ዎይሣንዳጉዲ ኔ ማሄ
ኔኤኒ ዔቂሴ ካኣቶሞ
ዓጮሎኮ ዓንጅ ዔያቶሞ ኑ ጊኢሪዖይዳኬ፤
ዔያታ ኑኡና ኑ ቆልሞናይዳ
ዔያቶሞ ኮሽኬ ባኣዚ ቢያ ማዲ ኩንሣኔ፤
ዩያይዳፓ ዔቂያና ኑ ዴኤፒ ሜቶይዳኬ።»

ዴራ ጊኢጊ ዎላ ቱኬ ባኮ

38 ማዲንቲ ባኮ ቢያ ኑኡኒ ዔኤዔያ ማዒያ ፃኣፒ ጌሣኒ ኑ ጌሰቴኔ፤
ዩኖ ኑኡኮ ፃኣፒ ጌሦናዘይዳ ኑኡኮ ሱኡጎንታ ሌዊ ዓሶንታ ቁኤሶንታ
ፔኤኮ ዲማሲ ዔርዛ ማላቶ ዓይሣኔ።

10

1 ዲማሲ ዔርዛ ባኮ ዓይሣ ዓሳ ሃካሊያ ናኣዚ ዓጮ ዎይሣሢ
ኔሃሚያ፣ ሴዴቂያሴ፤

2-8 ቄኤሶ ፃጳፓ፡-

ሴራያ፡ ዓዛሪያ፡ ዔርሚያሴ፡
ፓሽሁሬ፡ ዓማሪያ፡ ማልኪያ፡
ሃፁሹ፡ ሹባኒያ፡ ማሉኬ፡
ሃሪሜ፡ ሜሬሞቴ፡ ዓብዲደ፡
ዳኣኔኤሌ፡ ጌኔቶኔ፡ ባሩኬ፡
ሜሹላሚ፡ ዓቢያ፡ ሚያሚኔ፡
ሜዓዝያ፡ ቢልጋዬና ሹማዒያናኬ።

9-13 ሌዊ ዓሶ ፃጳፓ፡-

ዓዛኒያ ናኣዚ ዒያሱ፡
ሄናደዳ ናኣዚ ቶኦኮ ማዔሢ ቢኦዬ፡
ቃድሚዔኤሌ፡ ሹባኒያ፡ ሆዲያ፡
ቄሊ፡ ፔላያ፡ ሃናኒ፡
ሚካ፡ ሬሆቤ፡ ሃሻቢያ፡
ዛኩሬ፡ ሹሬቢያ፡ ሹባኒያ፡
ሆዲያ፡ ባኒንታ ቤኒኑንታኬ።

14-27 ዳርኮ ሱኡጎ ፃጳፓ፡-

ፓርጋሹ፡ ፓሃትሞዓኣቤ፡
ዔላኣሚ፡ ዛቱ፡ ባኒ፡
ቡኒ፡ ዓዘጋኣዳ፡ ቤባዬ፡
ዓዶኒያ፡ ቢግዋዬ፡ ዓዲኔ፡
ዓፄሬ፡ ሂዘቋያሴ፡ ዓዙሬ፡
ሆዲያ፡ ሃሹሜ፡ ቤፃዬ፡
ሃሪፔ፡ ዓናቶቴ፡ ኔባዬ፡
ማግጥዓሹ፡ ሜሹላሚ፡ ሄዚሬ፡
ሜሹዛቤሌ፡ ፃዶቄ፡ ያዶዓ፡
ፔላዒያ፡ ሃናኒ፡ ዓናያ፡
ሆሴዔ፡ ሃናኒያ፡ ሃሹቤ፡
ሃሎሄሹ፡ ፒሊሃ፡ ሾቤቄ፡
ሬሁሜ፡ ሃሻቢና፡ ማዕሴያ፡
ዓኪያ፡ ሃናኒ፡ ዓናኒ፡
ማሉኬ፡ ሃሪሜና ቤዓናኬ።

ጌኢጊ ዋላ ቱኮና ባኮ

28 ዓቱ ሃንጎ ዓሳ፡ ቄኤሳ፡ ሌዊ ዓሳ፡ ጌኤዠ ማኣር ካፓ
ዓሳ፡ ጌኤዠ ማኣራ ጸኦሲ ቦንቾሞ ዓይኑሞ ዓይናዳ ዓሳ፡ ጌኤዠ
ማኣርይዳ ማዳ ዓሳ፡ ጸኦሲ ዋጎሞ ዓይሢንታያ ማዔ ኑ ዓሽኖይዳ
ናንጋ ሜሌ ዓጮ ዳርይዳፓ ፔና ዲማሴ ዓሳ ፔኤኮ ላኣሎንታ
ዓቲንቆንታ ዉዲር ናኣቶንታ ዋላ፡ 29 ዬያታ ቢያ ፔኤኮ ጌርሲንሢ

ማዕ ዱሎጎና ዋላ ፔቴ ማዕ ያኦሲ ዓይላሢ ሙሴ ዛሎና ዒንጊንቴ ናንጊና ናንጋ ጎዳ ማዕ ኑ ያኦዛሢከ ዓይሢያም፥ ዋጎና ዳምቦናም ቢያ ዓይሢንታያ ማዕኒ «ዓይሢንቲባኦቴ ኑና ባይዘም!» ጌይ ጫኦቄኔ።

30 ኑ ዓሺኖይዳ ዓኦ ሜሌ ዴሮም ኑኡኮ ዉዴር ናኦቶ ዔያቶኮ ዓቲንቆ ናኦቶም ኑ ዒንጋኑዋኦሢና ዔያቶኮ ዉዴር ናኦቶ ኑኡኮ ዓቲንቆ ናኦቶም ኑ ዔካኑዋኦሢያ ጫኦቄኔ።

31 ሜሌ ዓጮ ዴራ ሃውሾ ከሎና ማዕቴያ ሜሌ ቦንቾ ከሎና ሃኦኮዋ ማዕም ሜሌ ኮርሞም ማዕ ባኦዚ ዔኪ ሙኩቴ ዔያቶይዳፓ ኑ ሻንቃዓ።

ሃሢ ላንካሳ ሌዖይዳ ሌዖይዳ ኑ ጎሽካ ሳዖ ጎሽኩዋዖ ሃሻንዳኔ፤ ኑ ዓሲም ታልዔ ጋሌ ዓኦቴያ ዒዞ ሌዖይዳ ኑ ሃሻንዳኔ።

32 ሌዓ ሌዓ ጌኤዦ ማኦር ማደም ማዕንዳያ ኑኡኒ ፔቴ ፔቴሢ ኑኡኮ ዓኦ ቢራፓ ሃይሃ ኩቺፓ ፔቴማ ዔኪ ሙኪ ኑ ዒንጋንዳኔ።

33 ዬያጉዲ ሃሢ ጌኤዦ ማኦር ማደም ሃካፓ ሊካ ዓኦ ባኮ ኑ ኩንሢ ሺኦሻንዳኔ፡- ዬይ ባካ ያኦሲም ዲማዴ ካሃ፡ ቢያ ከላ ከላ ዒንጋኒ ኮይሳ ሃኦኮ ዒንጊፆ፡ ሚቺ ዒንጎ ዒንጊፆም ማዕ ቆልሞ፡ ሃውሾ ከሎንታ ዓጊኖ ያኤሮንታ ሜሌ ቦንቾ ከሎም ሺኦሻ ባኮ፡ ያኦሲም ዲማዴ ዒንጊፆ ሜሌሢ ቢያ፡ ዒሲራዔኤሌ ዓሶኮ ጎሞ ጌኤሻኒ ዒንጊንታኒ ኮይሳሢና ጌኤዦ ማኦር ማደም ኮይሳ ሜሌ ባኮ ቢያ ኑ ፓጪሳሳኔ።

34 ዋጎይዳ ሚቺ ዒንጎ ባኮ ዛሎኮ ፃኦፒንቴ ጎይፆና ናንጊና ናንጋ ጎዳ ማዕ ኑ ያኦዛሢከ ዒንጊንታ ባኮ ሚቾንዶ ሃንፂሎ ዋኖ ቶኦካ ዒንጋኒ ኮይሳቴያ ኑኡኒ፤ ዴራ፡ ቄኤሶንታ ሌዊ ዓሶንታ ሌዓ ሌዓ ዒዖ ዓጊሢና ኑ ዲማሳንዳኔ።

35 ማኦሎ ኑኡኮ ኑ ቡራኦና ዲማ ዲማ ሚፆኮ ዓኦፖ ኑ ማንፃ ዓጊኖና ቤርታ ካፆ ቲሻሢ ጌኤዦ ማኦሪ ዔኪ ሙኪ ሙኪ ኑ ዒንጋንዳኔ።

36 ኑኡኒ ፔቴ ፔቴሢ ሾዓ ዓቲንቆ ናኦቶኮ ቶይዶ ዔኪ ጌኤዦ ማኦርይዳ ማደ ቄኤሳሢም ሺኦሻሢሢና ዋጋ ዓይሢ ጎይፆ ያኦሲም ዲማዴያ ኑ ማሃንዳኔ፤ ሃሢ ኑኡኮ ባኦቶና ማራቶና ዋኦርናይዳፓ ሾይንታ ናኦርንታ ማራናኦቶንታ ዋናናኦቶንታኮ ቤርታሳዞንሢ ቢያ ያኦሲም ኑ ዲማሳንዳኔ።

10:30 10:30 ከሲ. ማፃ 34:16፤ ላሚ. ዋማ 7:3። **10:31** 10:31 ከሲ. ማፃ 23:10-11፤ ሊዊ. ዓከ 25:1-7፤ ላሚ. ዋማ 15:1-2። **10:32** 10:32 ከሲ. ማፃ 30:11-16። **10:35** 10:35 ከሲ. ማፃ 23:19፤ 34:26፤ ላሚ. ዋማ 26:2። **10:36** 10:36 ከሲ. ማፃ 13:2።

37 ኑኑኒ ቡኩሴ ሃኣኮኮ ቤርቶ ዲኢሎ ዔኪ ጌኤዡ ማኣራ ማዳ ቁኤሳሢሞ ኑ ዒንጋንዳኔ፤ ሜሌ ሃሣ ዎይኖ ዑዡ፣ ዛይቶ ሪሚቶንታ ዩያጉዴ ባኮ ዓኣፖኮ ቢያ ቤርቶ ጾኑሲም ዒንጋኒ ኑ ሺኢሻንዳኔ።

ኑኑኮ ጎዡ ዛሎ ጊኢሮ ጊኢሪሻ ለዊ ዓሶም ኑኑኮ ጎዡ ካዲሳ ሃኣኮይዳፓ ታጸኮ ፔቲ ኩቲ ኑ ዒንጋንዳኔ። 38 ታጸፓ ፔቲማ ዒንገንታ ዎዶና ሾይንታ ዓኣሮኔ ፃጸፓ ማዔ ቁኤሳ ለዊ ዓሶና ዎላኬ፤ ጌኤዡ ማኣሮ ማዶም ለዊ ዓሳ ታጸፓ ፔቲማ ቡኩሲሳሢኮ ገንሣ ታጸሢኮ ፔቲማ ኬሲ ኬሲ ጌኤዡ ማኣሮኮ ሚሆ ጌሦ ማኣሮ ጌልዛንዳኔ።

39 ዒሰራዔኤሌ ዴርንታ ለዊ ዓሶንታ ሃኣኮይዳፓ፣ ዎይኖ ዑዡና ሪሚቶ ዛይቶናይዳፓ ቡኩሶና ዒንገይ ጌኤዡ ማኣራ ማዶ ማዲንቶ ሚሃ ጌሢንታ ቤዞ፣ ዒኢካ ማዳ ቁኤሶንታ ካፓ ዓሶንታ ዓይኑሞ ዓይናዳ ዓሳኣ ዴይ ሃውሻ ቤዞ ማዔ ሚሆ ጌሦ ማኣሮ ዔኪ ዩዓንዳያ ኮይሳኔ።

ኑ ጾኦዛሢኮ ማኣሮ ፔቲታጾ ኑኑኒ ዎላዓኬ።

11

ዩሩሳላሚይዳ ናንጋ ዴር

1 ሱኡጋ ፔኤኮ ናንጎ ቤዞ ዩሩሳላሚይዳ ማሄኔ፤ ሃንጎ ዓቲ ዴር ባኣካፓ ታጸ ማኣሪ ዓሲዳፓ ፔቲማ ጾኦሲም ዴማዴ ዩሩሳላሚ ካታሞይዳ ናንጋንዳጉዲ ዒፃ ዓገሢና ዶኦሪንቲኔ፤ ሃንጎ ዓቲ ዴራ ጋዓንቲ ሜሌ ጉርዶና ካታሞናይዳ ቢያ ናንጎ ፔኤኮ ማሄኔ። 2 ዴራ ዒማና ዩሩሳላሚይዳ ፔ ማላሢና ናሽኪ ናንጋኒ ማሊፃ ዓኣ ዓሶ ቢያ ጋላቲኔ። 3 ገንሣ ሃሣ ሜሌ ጉርዶና ካታሞናይዳ ናንጋ ዒሰራዔኤሌ ዴራ ቁኤሶንታ ለዊ ዓሶንታ ጌኤዡ ማኣራ ማዳ ዓሶንታ ሴሎሞኔም ማዶ ማዳ ዓሶ ዜርጾንታ ፔኤኮ ጉርዳኣ ጉርዳ ዔያቶኮ ዓኣ ቤዛ ናንጌኔ።

ዩሩሳላሚይዳ ናንጋ ዩሁዳ ዓጮ ሱኡጎኮ ሱንፃ ሃካፓ ዴማ ዓኣ ጎይጾኬ፤

4 ዩሁዳ ዜርጾ ዓሳ፡-

ዛካሪያሴ ናኣዚ ናጾ ማዔ፣ ዑዚያ ናኣዚ ዓታያ፤ ሜሌ ዒዛኮ ቤርታኣ ማጾንሢ ማዔ ዩሁዳ ናኣዚ ፓራሴ ዜርጾ ማዔዞንሢ ዓማሪያ፣ ሹፓዲያንታ ሚሃላላዔኤንታኬ። 5 ኮልሆዜኮ ናኣዚ ናጾ ባሩኬ ናኣዚ ማዒሴያ፤ ሜሌ ዒዛኮ ቤርታኣ ዓዶንሢ ማዔ ዩሁዳ ናኣዚ ሹኤላ ዜርጾንሢ ሃዛያ፣ ዓዳያ፣ ዮያሪቤንታ ዛካሪያሴንታኬ።

10:37 10:37 ፓይ. ማፃ 18:21። 10:38 10:38 ፓይ. ማፃ 18:26። 11:3 11:3 ኔሂ. 7:73።

6 ፓርሴ ዜርዖ ባኣካፓ ያልዚና ዔርቲያ ማዔ ያይዶ ዌኤታና ላሂታሚ ሳሊ ዓሲ ዬሩሳላሜይዳ ናንጌኔ።

7 ቢኢኒያሜ ዜርዖ ዓሳ፡-

ዮዳሂኮ ናኣዚ ናዖ ሜሹላሜ ናኣዚ ሳሉ፤ ዒዛኮ ቤርታሳ ማዖንሢ፡- ፔዳያ፣ ቆላያ፣ ማዒሴያ፣ ዒቲዔኤሌንታ ሻዒያንታኔ።

8 ሳሉኮ ዑኩ ዒጊኖ ማዔ ዓሳ፡-

ጋባዬና ሳላዬና፤ ዔያታ ዋሊ ዑፃ ታዘጳ ዌኤታና ላማታሚ ሳሊ ማዓ ቢኢኒያሜ ዓሲ ዬሩሳላሜይዳ ናንጋኔ። 9 ዚከሪ ናኣዚ ዒዩዔኤሌ ዔያቶኮ ሱኡጋሢ ማዓዛ፣ ሃሴኑዓ ናኣዚ ዪሁዳ ዒዛኮ ዴማ ላምዓሳሢ ማዓ ቢታንቶ ዓኣያኔ።

10 ቄኤሳ፡-

ዮያሪቤ ናኣዚ፣ ያከኔ ናኣዚ፣ ዪዳዒያ፤ 11 ሜሹላሜኮ ናኣዚ ናዖ ሂልቂያ ናኣዚ ሴራያ፤ ዒዛኮ ቤርታኣ ዓደንሢ ፃድቂ፣ ሜራዮቲንታ ቄኤሶ ቢያኮ ዑፃሢ ማዔ ዓሂፁቤንታኔ። 12 ዬኖ ቶኦኮይዳፓ ዋሊ ዑፃ ሳሊ ዌኤታና ላማታሚ ላምዖ ዓሲ ጌኤዡ ማኣሮይዳ ማዳኔ።

ፔላሊያኮ ናኣዚ ናዖ ዬሮሆሜ ናኣዚ ዒዳያ፤ ዒዛኮ ቤርታኣ ማዖንሢ ዓመዓኔ፣ ዛካሪያሴ፣ ፓሽሁራንታ ማልኪያንታኔ። 13 ዬኖ ቶኦኮይዳፓ ዋሊ ዑፃ ላምዖ ዌኤታና ያይዲታሚ ላምዖ ዓሲ ዔያቶኮ ማኣሮ ዓሶ ሱኡጎኔ።

ዓህዛዬኮ ናኣዚ ናዖ ማዔ ዓዛርዔኤሌ ናኣዚ ዓማሽሳዬ፤ ዒዛኮ ቤርታኣ ማዖንሢ ሜሽሌሞቲና ዒሜሪናኔ። 14 ዒዛኮ ጌርሲንሢ ደኦሪንታኣና ዔርቲ ፖኦሊሴ ማዔ ዓሶንሢኮ ሚርጉማ ዌኤታና ላማታሚ ሳሊኔ፤ ዔያቶኮ ሱኡጋሢ ሃጌዶሊሜ ናኣዚ ዛብዲዔኤሌኔ።

15 ሌዋ ዓሳ፡-

ዓዝሪቃሜኮ ናኣዚ ሃሹቤ ናዖ ሹማዒያ፤ ዒዛኮ ቤርታኣ ማዖንሢ ሃሻቢያንታ ቡኒንታኔ።

16 ሻቤታዬና ዮዛባዴ ጌይንታ ሌዋ ዓሶኮ ሱኡጋ ጌኤዡ ማኣራቱዋንቲ ዙላ ማዲንታ ባኮኮ ቢያ ሱኡጎንሢኔ።

17 ዓሳኣፔ ዜርዖ ዒጊናፓ ሾይንቲ ዛብዲኮ ናዖ ሚካ ናኣዚ ማታኒያ ጌኤዡ ማኣሮይዳ ጋላቶ ሺኢጲያ ሺኢቂ ዓይኑሞ ዓይናዳ ዓሶኮ ሱኡጋሢኔ፤ ባቅቡቄ ጎዖሢ ማታኒያኮ ዴማ ማዒ ማዳያኔ፤

ሜሌሢ ሃሃ ዪዲቱኔ ዜርዖፓ ሾይንቲ ጋላሌኮ ናዖ ሻሙዓ ናኣዚ ዓብዳኔ፤

18 ሌዊ ዓሶ ዒጊናፓ ዋሊ ዑፃ ላምዖ ጭታና ሳሊታሚ ያይዶ ዓሲ ያኦሲም ዲማዳ ካታሜሎ ዩሩሳላሜይዳ ናንጋኔ።

19 ጌኤዡ ማኣሮ ካፓ ዓሳ፡-

ዓቁቤ፥ ፃልሞኔንታ ዔያቶኮ ዒጊና ዋሊ ዑፃ ጭታና ላንካይታሚ ላምዖኬ።

20 ዓቱ ዒሰራዔኤሌ ዳሮንታ ቄኤሶንታ ሌዊ ዓሳኣ ዓቱዋዖ ዓኣ ዔያቶኮ ዓጮ ዓርቄ ጎይሣ ማዒ ሃንጎ ዪሁዳ ካታሞይዳ ናንጋኔ።

21 ጌኤዡ ማኣሮይዳ ማዳ ዓሳ ዩሩሳላሜ ካታሞኮ ፔቴ ዛላ ያፔሌ ጌይንታ ጌሜራ ናንጋኔ፤ ጂሃና ጊሽፓ ጌይንታ ዓሳ ዔያቶ ዛጊ ማዳ ማዳሻኔ።

22 ዩሩሳላሜይዳ ናንጋ ሌዊ ዓሶ ሱኡጋሢ ሃሻቢያኮ ናኣዚ ባኒ ናዖ ዑዚኬ፤ ዒዛኮ ቤርታኣ ዓድንሢ ማታኒያንታ ሚካንታኬ፤ ዒዚ ጌኤዡ ማኣሮይዳ ዓይኑሞ ዓይናዳ ዓሶ ሱኡጋሢ ዓሳኣፔ ዜርሢኬ።

23 ቢያ ከላ ከላ ዓይናዳንታ ዓይኑማ ዋሊ ሄሊ ሄሊ ማዓንዳጉዲ ካኣቲ ዓይሣ ዓይሥሢ ዓኣኔ።

24 ዪሁዳ ፃጳፓ ዛራሄ ቶኦኪ ማዔ ሜሽዛቤሌ ናኣዚ ፔታህያ ዒሰራዔኤሌ ዳሮ ዛሎ ፓርሴ ካኣቲ ጌሤሞ ጌሰታ ዓሲኬ።

ሃንጎ ጉርዶና ካታሞናይዳ ናንጋ ዳሮ

25 ዳሮይዳፓ ሚርጌሢ ናንጋሢ ጎዡኮ ዑኬ ዓኣ ጉርዶይዳኬ፤ ዩያሮ ዪሁዳ ዜርዖ ማዔዞንሢዳፓ ፔቴ ፔቴዞንሢ ዓርባዒ ካታሞና ኮይላ ዓኣ ጉርዶናይዳ፤ ጊቦኔና ዪቄብጂዔኤሌ ጌይንታ ካታሞንሢና ኮራ ዓኣ ጉርዶናይዳ ናንጋኔ፤ 26 ዩያጉዲ ሃሣ ዒያሱ፥ ሞላዳ፥ ቤትጳሌፃና 27 ሃፃርሹዓሌ ጌይንታ ካታሞንሢዳ ናንጋኔ፤ ዩያ ሌሊቱዋንቴ ቤርሳቤና ኮሮይዳ ዓኣ ጉርዳ ዔያቶኮ ናንጎ ቤዞኬ፤ 28 ጂቅላጌ ካታማ፥ ሜኮናና ኮሮይዳ ዓኣ ጉርዶ፥ 29 ዔንገሪሞኔ፥ ጂሪዓ፥ ያርሙቴ፥ 30 ዛኖሃንታ ዓዲላሜንታ ጌይንታ ዩንሢ ካታሞንሢና ኮይላ ዓኣ ጉርዶናይዳ ናንጋኔ፤ ሃሣ ላኪሽና ኮይሎይዳ ዓኣ ጎዡ ቤዞ፥ ዓዜቃና ኮይሎይዳ ዓኣ ጉርዳ ቢያ ዔያቶኮ ናንጎ ቤዞኬ፤ ዩያይዲ ዪሁዳ ዳሮኮ ናንጎ ቤዞ ዶኦሎ ዛሎና ቤርሳቤፓ ኬዶ ዛሎና ሄኖሜ ዶኦጫ ማሃዛ ዓኣ ቤዞ ጋሮይዳኬ።

31 ቢኢኒያሜ ዳራ ናንጋ ቤዞ ሃሣ፡- ጌባዔ፥ ሚክማሴ፥ ዓዩ፥ ቤኤቴኤሌና ኮይሎይዳ ዓኣ ጉርዶይዳኬ፤ 32 ጊንሣ ሃሣ ዓናቶቴ፥ ኖቤ፥ ዓናኒያ፥ 33 ሃያራ፥ ራማ፥ ጊታይሜ፥ 34 ሃዲዳ፥ ያቦዒሜ፥ ኔባላፃ፥ 35 ሎዳና፥ ያኖ፤ ዩያጉዲ ሃሣ «ጊታሢ ዶኦጫ» ጌይንታ ቤዞ ቢያ ዔያቶኮ ናንጎ ቤዞኬ። 36 ዪሁዳ ዓጮይዳ ናንጋ ሌዊ

ዓሶ ባአካፓ ፔቴ ፔቴዘንሢ ቢአኒያሜ ዴርና ዎላ ናንጋንዳጉዲ ማሆናኔ።

12

ቄኤሶና ሌዊ ዓሶናኮ ሱንፆ

1 ሳላቲያሌ ናአዚ፥ ዜሬባቡሌና ቄኤሶ ቢያኮ ዑፃሢ ዲያሱና ዎላ ዲዒንገታፓ ማዔ ቄኤሶና ሌዊ ዓሶናኮ ሱንፆ ሃካፓ ዴማ ዓአ ጎይፆኬ፤

2-7 ቄኤሳ፡-

ሴራያ፡ ዔርሚያሴ፡ ዒዝራ፡

ዓማሪያ፡ ማሉኬ፡ ሃፁሹ፡

ሼካኒያ፡ ሬሁሜ፡ ሜሬሞቴ፡

ዒደ፡ ጊኔቶኔ፡ ዓቢያ፡

ሚያሚኔ፡ ሜዓዲያ፡ ቢልጋ፡

ሼማዒያ፡ ዮያሪቤ፡ ዪዳዒያ፡

ሳሉ፡ ዓሞኬ፡ ሂልቂያንገታ ዪዳዒያንገታ።

ይንሢ ቄኤሶንሢ ቄኤሶ ቢያኮ ዑፃሢ፡ ዲያሱ ዎደና ዔያቶኮ ዒጊኖ ቄኤሶኮ ሱኡጎ ማዔዘንሢ።

8 ሌዊ ዓሳ፤

ፆኦሲ ቦንቾሞ ጋላቶ ዓይኑሞ ዓይናዳ ዓሶኮ ሱኡጎ ማዔ ሌዊ ዓሳ፡- ዲያሱ፡ ቢኑዬ፡ ቃድሚዔኤሌ፡ ሼሬቢያ፡ ዪሁዳንገታ ማታኒያንገታ።

9 ባቅቡቂያ፡ ዑኖንገታ ሃንጎ ዔያቶኮ ጌርሲንሢ ማዓ ሌዊ ዓሲንገታ ዔያቶና ዎላ ዎሊ ዓአሢ ዓአሢ ዓይኑሞ ዓይናዳ።

ቄኤሶ ቢያኮ ዑፃሢ ዲያሱ ዜርፆ

10 ዲያሱ ዮያቂሜ ሾዓዛ ዮያቂሜ ዔሊያሺቤ፡ ዔሊያሺቤ ዮያዳዔ ሾዔኔ፤ 11 ዮያዳዔ ዮናታኦኔ ሾዔኔ፤ ዮናታኦኔ ያደዳ ሾዔኔ።

ቄኤሶ ቶኦኮኮ ሱኡጎ

12-21 ዮያቂሜ ቄኤሶ ቢያኮ ዑፃሢ ማዒ ዓአ ዎደና ሃካፓ ዴማ ዓአ ቄኤሳ ቄኤሶ ቶኦኮኮ ሱኡጎንሢ፡-

ሴራያ ቶኦኮኮ ቄኤሳሢ ሜራያ

ዔርሚያሴ ቶኦኮኮ ቄኤሳሢ ሃናኒያ

ዒዝራ ቶኦኮኮ ቄኤሳሢ ሜሹላሜ

ዓማሪያ ቶኦኮኮ ቄኤሳሢ ዪሆሃናኔ

ሜሉኪ ቶኦኮኮ ቄኤሳሢ ዮናታኦኔ

ሼካኒያ ቶኦኮኮ ቄኤሳሢ ዮሴፔ

ሃሪሜ ቶኦኮኮ ቄኤሳሢ ዓዲና

ሜራዮቴ ቶኦኮኮ ቄኤሳሢ ሂልቃዬ

ዲዳ ቶኦኮኮ ቁኤሳሢ ዛካሪያሴ
 ጊኔቶኔ ቶኦኮኮ ቁኤሳሢ ሜሹላሚ
 ዓቢያ ቶኦኮኮ ቁኤሳሢ ዚኪሪ
 ሚንያሚኔ*
 ሞዓዲያ ቶኦኮኮ ቁኤሳሢ ፒልፃዬ
 ቢልጋ ቶኦኮኮ ቁኤሳሢ ሻሙዓ
 ሼማዒያ ቶኦኮኮ ቁኤሳሢ ዮሆናታኣኔ
 ዮያሪቤ ቶኦኮኮ ቁኤሳሢ ማትናዬ
 ዪዳዒያ ቶኦኮኮ ቁኤሳሢ ዑዚ
 ሳላዬ ቶኦኮኮ ቁኤሳሢ ቃላዬ
 ዓሞቄ ቶኦኮኮ ቁኤሳሢ ዔቤሪ
 ሂልቂያ ቶኦኮኮ ቁኤሳሢ ሃሻቢያ
 ዪዳዒያ ቶኦኮኮ ቁኤሳሢ ናቲናዔኤሌኬ።

ቁኤሶና ሌዊ ማኣሮ ዓሶናኮ ሱንፃ ፃኣፒንቲ ዓኣ ማዘጋቦ

22 ዔሊያሽቤ፡ ዮያዳዔ፡ ዮናታኣኔና ያዱዓ ጌይንታ ቁኤሶ ቢያኮ ዑዖ ማዔዘንሢ ዓኣ ዎዶና ሌዊ ዓሶንታ ቁኤሶ ማኣሮ ዓሶንታኮ ሱኡጋ ዱማዲ ዔርታንዳ ፃኣፖና ባኣዚ ጊኣጊሺንቴኔ፤ ዬና ጊኣጊሺ ፃኣፖናዛ ዳኣሪዮሱ ፓርሴ ዓጮይዳ ካኣታዲ ዓኣ ዎዶናኬ።

23 ጋዓንቴ ሌዊ ማኣሮ ዓሶኮ ሱኡጋ ፔጌና ፃኣፒንቲ ዔርቲሢ ዔሊያሽቤኮ ናኣዚ ናዖ ማዔ ዮናታኣኔ ሸምፔና ዓኣ ዎዶማና ሌሊኬ።

ጌኤዠ ማኣሮ ማዶ ፓቂ ዒንጎና ጎይዖ

24 ሌዊ ዓሳ፡- ሃሻቢያ፡ ሸሪቢያ፡ ዒያሱ፡ ቢኑዬንታ ቃድሚዔኤሌንታ ሱኡጋቶና ላምዖ ቤሲ ፓቂንቴኔ። ዬንሢ ላምዖ ፓቂንቴዘንሢ ፆኦሲ ዓሢ ማዔ፡ ካኣቲ ዳውቴ ዓይሢ ዳምቦ ጎይዖና ዎለም ዓኣሢ ዓኣሢ ፆኦሲ ቦንቾም ጋላቶ ዓይኑም ዓይናዲ ፆኦሲ ዔያታ ጋላታኔ።

25 ጌኤዠ ማኣሮኮ ኬኤሎ ዲዖ ካር ኮይላ ማዠፒንቴ ሚሆ ጌሦ ማኣሮ ካፓዘንሢ፡- ማታኒያ፡ ባቅቡቂያ፡ ዖባዲያ፡ ሜሹላሚ፡ ፃልሞኔና ዓቁቤ ጌይንታዘንሢ።

26 ዬንሢ ዒዮጄዳቄኮ ናኣዚ ናዖ ማዔ ዒያሱ ናኣዚ ዮያቂሜ፡ ዓጮ ዎይሢ ኔሃሚያንታ ዎጎ ዛሎ ኮሺ ዔራ ቁኤሳሢ ዒዠራ ዓኣ ዎዶና ማዶም ጌሦናዘንሢ።

ዬሩሳላሚ ካታሞኮ ኬኤሎ ዲዖ ኮሺንቴሢሮ ቦንቾንቴ ቦንቾ

* 12:12-21 12:12-21 ዔብራ ዓሶ ሙኤጮ ማፃላፖይዳ ሃኖ ቤዛ ሱንሢ ዓሲኮ ባኣሴ።

27 ዩሩሳሌም ካታሞኮ ዲያ ኮሺ ጋፒሶናሢሮ ቦንቺንቴ ዓቦና ለዊ ዓሳ ሂቸንታ ሚርጌ ሻዡ ዴንሢ ዋርቆ ጎኦሎና ፔቴ ሻዡ ዴንሢ ዋርቆ ጎኦሎና ዋርቆ ዋርቆ ቦንቻንዳጉዲ ዔያታ ናንጋ ቤዛፓ ኮይንቴ ሙኬኔ። 28 ዩሩ ቦንቸ ኬሎ ቦንቻኒ ለዊ ማኦር ዓሶፓ ያኦሲ ቦንቸም ዓይኑም ዓይናዳዘንሢ ሲያ ዲንኪ ዴዒ ዓኣ ቤዘ ዩሩሳሌም ኮይሎና ኔያፓ ጌይንታ ቤዘናኮ ዳኮ ዳኮ ካታማፓ። 29 ቢትጊልጋሌ፣ ጌባዔንታ ዓዘማዌቴንታፓ ቡኪንቴ ሙኬኔ፤ 30 ዒማና ቁኤሶና ለዊ ዓሶና ፔ ዛሎንታ ዴር ዛሎንታ ካታሜሎኮ ጌሎ ካሮንታ ዲሮንታኮ ጌኤሺያ ዳምቦ ማዲ ኩንሄኔ።

31 ታኣኒ፣ ጳጳሚያ ሹጮ ኬኤሎ ዲያ ዑያ ዩሁዳ ዓሶኮ ሱኡጎ ኬሴሰካፓ ዓይናዳ ዓሶ ላምፖ ዴኤፒ ዴኤፒ ቤሲ ፓቂ ያኦሲ ቦንቸም ጋላታ ዓይኑም ዓይናዳንዳጉዲ ማሄኔ፤

ቤርታሲ ታኣኒ ኬሴ ዓሳ ኬኤሎ ዲያ ዑያና ጌይ ሚዛቆ ዛላ ዓኣ ቡኡሮ ላኣሎ ቤዘ ባንያና ዴንዴኔ፤ 32 ዩካፓ ሆሻዒያና ዓይሁዶ ዓሶኮ ሱኡጎና ዔያቶ ጊንያ ዓኣዴኔ። 33-35 ሃሣ ዓዛሪያ፣ ዒዝራ፣ ሜሹላሚ፣ ዩሁዳ፣ ቢኢኒያሚ፣ ሺማዒያንታ ዔርሚያሴ ጌይንታ ቁኤሶንሢ ዋሊ ጊንያ ዒኢና ዓኣዴኔ፤ ሄሊሳፖ ዲንኮ ዋርቃ ዳካ ቁኤሶንታ፤ ዩያጉዲ ሃሣ ዛካሪያሴ ጌይንታ ዮናታኣኔ ናኣዚ፣ ሺማዒያ ናኣዚ፣ ማታኒያ ናኣዚ፣ ሚኪያ ናኣዚ፣ ዛኩሬ ናኣዚ፣ ዓሳኣፔ ናኣዚ ዴንዴኔ። 36 ዒዛ ቶኣኮ ማዔ፡- ሺማዒያ፣ ዓዛርዔኤሌ፣ ሚሌላዬ፣ ጊሌላዬ፣ ማዓዬ፣ ናትናዔኤሌ፣ ዩሁዳንታ ሃናኒንታ ያኦሲ ዓሢ ዳውቴ ያኦሲ ቦንቸም ዓይናዳ ዓይኑም ዓንጋም ቢያ ኬዲ ዒዛ ጊንያ ዓኣዴኔ፤ ዩሩ ዋሊ ጊንያ ዓኣዳ ዓሶ ዔኪ ዓኣዳሢ ዋጎ ኮሺ ዔራ፣ ቁኤሳሢ፣ ዒዝራኬ። 37 ዩካፓ ዔያታ ዓልቃ ዋኣፃ ዓኣ ካሮ ሄላፖ ሊካ ዳውቴ ካታም ባንሢ ዓኣዳ፣ ኬኤሎ ዲያ ዑያ ዓኣ ሳኖጉዴ ቤዘና ኬሰከ፣ ዳውቴኮ ካኣቱም ማኦር ኮርሳ ጌይ ካታሜሎኮ ዓባ ኬሰካ ባንያይዳ ዓኣ ዋኣፃ ዲሮ ካሮ ዴንዴኔ።

38 ላምዓሲ ታኣኒ ኬሴ ያኦሲ ቦንቸም ዓይናዳ ዓሳ ዋሊ ጊንያ ሹጮና ኮሻና ዲያኮ ቶኣኮማ ዓርቃፖ ሻውሎ ባንያ ዓኣዴኔ፤ ታኣኒያ ዒማና ዴርኮ ሄካሢና ዋላ ዩሩ ዓሶ ጊንያ ዓኣዴኔ፤ ታም ዪኢሎ ኮጮ ጌይንታ ሹጮና ኮሻናሢ ኮይለና ጌይ ዳልጎ ኬኤሎ ዲያ ካሮ ኑ ሄሌኔ። 39 ዒኢና ጌይ ዔፕሬኤሚ ዲሮ ካሮ፣ ዩሻና ዲሮ ካሮ፤ ጊንሣ ሃሣ ሞላሢ ዲሮ ካሮ ጌይንታ ቤዘና ሃናኒዔኤሌ ኬኤሎ ዲሮ፣ ያኤቶ ኬኤሎ ዲሮና ማራቶ ዲሮ ካሮ ጌይንታ ቤዘ ኑ ሙኬኔ፤ ዩሩ ኑ ዋሊ ዑያ ዓኣዳ ዓሳ ሃንቲያ ጋፒ ዔቁሢ ጌኤዡ ማኦርኮ ዑኬ ዓኣ፣ «ካፓ ዓሶ ዲሮ ካሮ» ጌይንታ ቤዘ ሄላፖኬ።

40 ይያይዱ ላምዎ በዘ ፓቂንቴ ዓሳ ዋሊ ጊንዖ ያኦሲ ቦንቾም ማዓ ዓይኑምና ጋላቲ ጋላቲ ጌኤዡ ማኣር ኮይሎ ሄሌኔ፤ ታኣና ዋላ ዓኣ ሱኡጎና ቃሲ ሃሃ። 41 ሃካፓ ደማ ዲንካሢ ዋርቃ ቁኤሴያ ዓኣኔ፤ ዩንሢ ቁኤሴንሢ፡- ዔኤሊያቁሜ፡ ሜዕሴያ፡ ሚንያሚኔ፡ ማካያ፡ ዔልዮዔናዬ፡ ዛካሪያሴና ሃናኒያናኬ፤ 42 ዔያቶ ጊንዖ ሃሃ፡- ሜዕሴያ፡ ሹማዒያ፡ ዔልዓዛሬ፡ ዑዚ፡ ዩሆሃናኔ፡ ማልኪያ፡ ዔላኣሚንታ ዔዜሬንታ ዓኣዳኔ፤ ኑ ዔቂ ዓኣንቴ ዓይኑም ዓይናዳ ዓሳ ዪዝራህያ ጎዖሢ ዔያቶ ጌይሳዛ ዑኡዞ ፔኤኮ ዳጊዲ ያኦሲ ቦንቾም ዔያታ ዓይናዳ።

43 ዬዮ ዓቦና ያኦሲም ሚቺ ዒንጎ ባኣዚ ሚርጌ ዒንጊንቴኔ፤ ዴር ያኦሲ ዋዛሴሢር ዳኤፒ ዋዛ ዴራ ዋዛዳኔ፤ ላኣሎንታ ዓቲንቆንታ ዋላ ዋዛዳኔ፤ ዔያታ ዒማና ዬሩሳላሜይዳ ዓኣያ ዒላሽ ዒላሽዖ ሃኬ ዋይዚንቴ።

ጌኤዡ ማኣር ማዳም ዒንጊንቴ ባኮ

44 ዒማና ጌኤዡ ማኣር ማዳም ዒንጊንቴ ባኮ፤ ዩያጉዲ ታጳፓ ፔቴ ዒንጊንታ ዒንጊዖ፡ ለዓ ለዓ ካፃ ሃኣኮና ዓኣፒ ዓኣፓ ሚዖ ዓኣፖ ቡኩሲ ጌሆ ደማ ደማ ቆልዖ ካፓንዳ ሱኡጌ ደኦሪንቴኔ፤ ዩንሢ ዓሳ ደማ ደማ ካታም ኮይላ ዓኣ ጎዡይዳፓ ዋጋ ዓይህ ጎይዖና ቁኤሴንታ ለዊ ዓሶንታም ዒንጊንታ ባኮ ቢያ ቡኩሳኒ ዔያቶ ኮይሳያኬ፤ ዪሁዳ ዴራ ጉቤ ቁኤሴንታ ለዊ ዓሶንታ ማዳ ባኮና ኮሺ ዋዛዳኔ። 45 ዓይጎር ጌዔቴ ዔያታ ያኦሲ ዓይህ ጎይዖና ማዳንቲ ኩማኒ ኮይሳ ዳምቦንታ ጌኤሺዖ ዳምቦዋ ኩንህሢርኬ፤ ጌኤዡ ማኣርይዳ ያኦሲ ቦንቾም ዓይኑም ዓይናዳ ዓሶንታ ጌኤዡ ማኣር ካፓ ዓሳ ዳውቴና ናኣዚ ሴሎሞኔና ኬሴ ዳምቦ ጎይዖ ዔያቶ ኮይሳ ማዳ ማዳ ኩንህህኔ። 46 ካኣቲ ዳውቴና ያኦሲ ቦንቾም ዓይኑም ዓይናዳ ዓሶኮ ሱኡጋሢ ዓሳኣፔና ዋዳፓ ዓርቃዖ ያኦሲ ሄርሺሢ ዓይኑም ዓይናዳ ዓሶና ጋላቶ ዓይኑም ዓይናዳ ዓሶናኮ ዓርና ማዔ ዓሲ ዓኣ። 47 ዜሬባቡለና ኔሃሚያና ዋዶይዳ ዒሰራዔኤሌ ዴራ ጉቤ ጌኤዡ ማኣርይዳ ዓይኑም ዓይናዳ ዓሶንታ ጌኤዡ ማኣር ካፓ ዓሶንታም ኬላ ኬላ ዒንጎ ባኮ ዒንጋኔ፤ ሃሃ ለዊ ዓሳኣ ዓኣርኔ ሾይንቶ ማዔዞንሢም ዔያቶ ሄላ ዛሎ ዒንጋኔ።

13

ዒሰራዔኤሌ ዴራ ሜሌ ዴራፓ ዲማዴሢ

12:45 12:45 1ዮሲ. ዓሃኬ 25:1-8፤ 26:12።

1 ሙሴ ማፃአፓ ደግ ጌዔ ዑኩሲና ዔያቶም ናባቢንታሢ ዴራ ዋይዛኣና፡- «ሞዳኣቤ ዓሶንታ ዓሞኦኔ ዓሶንታ ያኦሲ ዴሮና ዋላ ናኣናና ሲኢሪንቶፓ» ጋዓ ቤሲ ሄሌኔ። 2 ዩይ ሂዚ ጌይ ዓይሢንቲሢሢ ዒሰራዔኤሌ ዴራ ቤርታ ጊብዔፓ ኬሰኬ ዋዶና ጎይፃ ዓኣንቲ ሞዳኣቤንታ ዓሞኦኔ ዓሶንታ ሙዶና ዋኣዶና ዔያቶ ላኣጌሢሮኬ፤ ዩያ ሌሊቱዋንቲ ዒሰራዔኤሌ ዴሮ ዔያቶም ጋዳንቃንዳጉዲ ባኣላኣሜ ጎዖሢሞ ዔያታ ሚኢሹ ዒንጌኔ፤ ያኦሲ ጋዓንቲ ጋዳሞ ዓንጅ ባንሢ ሸርሼኔ። 3 ዩያ ናባቢንቲሢሢ ዒሰራዔኤሌ ዴራ ዒማና ዋይዛዖ ማሌ ዴሮ ማዔ ዓሶ ዔያቶ ባኣካፓ ዴማሲ ኬሰኔ።

ኔሄሚያ ጊንሣ ዓካሲ ማዳ ባኮ

4 ጌኤዡ ማኣሮኮ ማሆ ጌሦ ማኣሮ ሱኡጋሢ ማዔ፥ ቄኤሳሢ፡ ዔሊያሸቤ ዖደሲ ዋዴ ዖቢያ ጎዖሢና ዋላ ፔቲ ማዒ ናንጌኔ፤ 5 ዩያሮ ያኦሲም ዒንጎ ሃኣኮ ዒንጊፃ፥ ዑንጅ፥ ጌኤዡ ማኣሮም ዴማዳ ማሃ፥ ሃኣካ፥ ዋይኖ ዑዡ፥ ሪሚቶ ዛይታፓኣ ዔኪ ዔኪ ሌዊ ዓሶም፤ ሃሣ ጌኤዡ ማኣሮይዳ ዓይኑም ዓይናዳ ዓሶንታ ካፖ ካፓ ዓሶንታም ዒንጊንታ ታጳሢፓ ፔቲ ዒንጊፃንታ ቄኤሶም ዒንጊንታ ዒንጊፃንታ ቢያ ጌሢንታንዳጉዲ ማለንቲ ማዢንቲ ዴኤፖ ቆልዖ ዖቢያ ፔ ማኣሪ ማሃ ናንጋንዳጉዲ ዔሊያሸቤ ዓይሢኔ። 6 ዩይ ቢያ ማዳንቲ ዋዶና ታኣኒ ዩሩሳላሜይዳ ባኣሰ፤ ዓርፄክሲሴ ባብሎኔይዳ ካኣታዳንቲ ሃይሢታሚ ላሞዓሳ ሌዖና ታኣኒ ባብሎኔ ማዒ ዓኣዳኔ፤ ዩካፓ ዳካ ዋዴም ካኣቲ ታኣኒ ያኦፎ፤ 7 ጊንሣ ታ ዩሩሳላሜ ማዒ ሙኬኔ፤ ዒኢካ ታ ሄላዖ ዔሊያሸቤ ዖቢያም ጌኤዡ ማኣሮኮ ዲሮ ጋራ ፔቲ ናንጎ ቆልዓ ዒንጌያ ማዔሢ ዋይዜኔ፤ 8 ዩያሮ ዳጋና ታ ዔቂ ዖቢያኮ ዓኣ ባኮ ቢያ ቆልዖ ጋራፓ ኬሲ ኬሲ ዢሴኔ፤ 9 ቆልዖ ጋሮንሢ ዋጎ ጎይፃ ዳሞቦና ጌኤሽካንዳጉዲ፤ ሃሣ ጌኤዡ ማኣሮኮ ዴማዳ ማሆንታ ሃኣኮ ዒንጊፃንታ ዑንጅንታ ዒኢካ ማሃ ጌሢንታንዳጉዲ ታኣኒ ዓይሢኔ።

10 ዩያጉዲ ሃሣ ጌኤዡ ማኣሮይዳ ያኦሲ ቦንቾም ዓይኑም ማዳ ማዳ ዓሶንታ ሃንጎ ሌዊ ዓሳ ዩሩሳላሜ ሃሽ ኬሰኪ ፔኤኮ ፔኤኮ ጎዡ ጌሌሢ ታ ዔሬኔ፤ ዩይ ያዲ ማዔሢ ዴራ ያኦሲም ዓይናዳ ዓሶና ሌዊ ዓሶናም ዔያቶ ዋይሣንዳ ጊዳ ባኣዚ ዒንጉዋኣሢሮኬ። 11 ጌኤዡ ማኣራ ዩያ ሄላንዳኣና ቄል ጌይ ዛጊንቲሢሮ ቢታንታ ዓኣ ዓሶ ታኣኒ ጎሬኔ፤ ሌዊ ዓሶንታ ያኦሲ ቦንቾም ዓይኑም ዓይናዳ ዓሶዋ ጌኤዡ ማኣራ ጊንሣ ማሃ ዔኪ ሙኪሢና ማዳ ጊንሣ ታ ዓይሢኔ፤ 12 ዩካፓ ዒሰራዔኤሌ ዓሳ ቢያ ጊንሣ ሃኣኮንታ ዋይኖ ዑኩንታ ሪሚታፓ

13:2 13:2 ላሚ. ዋማ 23:3-5፤ ፓይ. ማፃ 22:1-6።

ኮሾ ዛይቶዋ ኮይሳሢጉዲ ታጳፓ ፔቴ ኬሲ ኬሲ ጌኤዮ ማኣሮኮ ማህ ጌሦ ማኣሪ ዔኪ ሙኪሢ ሳርቄኔ። 13 ማህ ጌሦ ማኣሮይዲ ቄኤሳሢ፡ ሹሌሚያንታ ዋጎ ኮሺ ዔራ ሳዶቄንታ ሌዊ ዓሢ ፔዲያንታ ታኣኒ ሱኡጌ ማሢ ዶኦሬኔ፤ ማታኒያኮ ናኣዚ ናዎ ማዔ ዛኩሬ ናኣዚ ሃናኔ ዔያቶ ማኣዲ ማዳሢኬ፤ ዩንሢ ዓሳ ዔያቶና ዋላ ማዶ ማዳ ላጎም ኮይሳ ባኮ ጊሽኪሢና ጉሙርቄንታያኬ።

14 ታ ያኦዛሢያ፡ ኔኤኮ ጌኤዮ ማኣሮና ዒኢካ ማዳንታ ባኮ ፒዚሳኒ ጌይ ዩንሢ ቢያ ጉሙርቄንታያ ማዒ ታ ማዴሢ ማሊጋፓ ኮሺ ባኣዚ ታኣም ማዴ።

15 ዩንሢ ኬላ ዩሁዳይዳ ናንጋ ዴራ ሃውሾ ኬሎና፡- ዋይኖ ዓኣፖ ጩኡጳያ፤ ሃኣኮ፡ ዋይኔ ዑሺ፡ ሶኖና ዋላ ዓኣ ዋይና፡ ቤሌሴ ዓኣፓ፤ ዩያጉዲ ማሌ ባኣዚ ቢያ ፔኤኮ ሃሮና ጫኣናያ ታ ዴንቄኔ፤ ዩያ ባኮ ቢያ ሃውሾ ኬሎና ዩራሳላሚ ዔኪ ሙኪ ሻንቹዋጉዲ ላቲ ታ ዔያቶም ኬኤዜኔ። 16 ዩያ ሌሊቱዋንቴ ዩራሳላሚይዳ ናንጋ ዪሮሴ ዓሳ ሞሎንታ ማሌ ዲማ ዲማ ኮርሞ ባኣዚ ሃውሾ ኬሎና ካታሚሎ ጌልዚ ጌልዚ ዩሁዳ ዴሮም ሻንቻኔ፤ 17 ታኣኒ ዒማና ዩሁዳኮ ሱኡጎ፡- «ዒንሢ ማዳ ፑርቶ ባኮ ቢያ ዛጉዋቲ! ዒንሢ ሃውሾ ኬሎ ዒኢሲ ዒኢሲኬ፤ 18 ኦ ያኦዛሢ ኦኡና ካታሚሎናይዳ ሃያ ባይሲንቶ ዔኪ ሙኬሢ ዒንሢኮ ቤርታኣ ዓደንሢ ዩያ ፑርቱም ማዴሢሮቱዋዳ? ሃሢያ ዒንሢ ሃውሾ ኬሎ ቦንቹዋኣሢሮ ያኦሲኮ ዳጎ ዒንሢ ዒሰራዔኤሌይዳ ዔቁሳንዳኔ» ጌይ ጎሬኔ።

19 ዩካፓ ሃውሾ ኬላ ቦንቹንቶ ዓርቃኒ ዑኪ ሳዓ ሃባርታዛ ካታሚሎ ጌሎ ዲሮ ካራ ዋዲንታንዳጉዲና ሃውሾ ኬላ ቦንቹንቲ ጋፑዋንቴ ካሮ ዔያታ ቡሉዋጉዲ ታ ዔያቶ ዓይሢኔ፤ ሃሃ ሃውሾ ኬሎና ሃንጋ ካታሚሎ ባንሢ ዓይጎ ባኣዚያ ኬዲንቲ ጌሉዋጉዲ ዛጎም ጌይ ታኣኮ ባይሎፓ ፔቴ ፔቴዞንሢ ካታም ጌሎ ዲሮ ካራ ካራ ታ ዔቁሴኔ። 20 ዲማ ዲማ ኮርሞ ባኮ ሻንቻኒ ሺኢሻ ኮርሞ ኮርሞ ዓሳ ፔቴ ኬሊና ላምዎ ኬሊናጉዴያ ሃውሾ ኬላ ዚሮኬ ጋዓዎ ዓርቦ ዒባኖ ካታሚሎ ጌሎ ዲሮ ዙላ ዋርቄኔ፤ 21 ዩያቶ ታኣኒ፡- «ሚኢሪ ጌላኒ ማሊ ዒንሢኮ ዩካ ዋርቄፃ ዒንሢ ማኣዳያቱዋሴ፤ ዩኖ ማዶ ዒንሢ ሃሹዋኣያ ማዔቴ ዒንሢዳ ዋልቄና ፔቴ ባኣዚ ታ ማዳንዳኔ» ጌይ ላቲ ኬኤዜኔ፤ ዩማፓ ዓርቃዎ ዔያታ ሃውሾ ኬሎና ሙኪያ ሃሹኔ። 22 ሌዊ ዓሳ ዋጎ ጎይዎና ፔና ጌኤሺ ሃውሾ ኬላ ያኦሲም ዲማዴያና ካፒንቴያ ማዔሢ ዔርዛኒ ኬኤሎ ዲሮ ካሮ ኮሺ ዛጋንዳጉዲ ታ ዔያቶ ዓይሢኔ።

የኦሲዮ! ሃያሮ ቢያ ኔ ታኣሞ ማላንዳጉዲና ኔኤኮ ደኤፖ ናሹሞና ኔ ታና ባውሳንዳጉዲ ታ ኔና ሺኢቃኔ።

23 ዬኖ ዎድና ሃሣ ዓይሁዳ ዳርይዳፓ ሚርገሣ።- ዓሸድዳ፣ ዓሞኦኔንታ ሞዓኦኔ ዓጮ ወዲሮ ናኣቶይዳፓ ዔኬሣ ያኦጪ ታ ዔሬኔ፤ 24 ዬያቶ ሃካሣኮ ናኣታ ዓሸድዳ ሙኡቸና ሜሌ ፔቴ ፔቴ ሙኡቸና ገሰታኔ፤ ፔኤኮ ዓይሁዳ ሙኡጮና ዔያታ ገሰታኔ ዳንዳዒባኦ። 25 ዬያ ዓሶ ታ ጎሬኔ፤ ገንሣ ሃሣ ጋዳንቁ፣ ጳርቁያ ጳርቁ ቶኦኮ ጋፓኖዎ ታ ዔያቶኮ ቱጌኔ፤ ዬካፓ ዔያቶ ማዔቴያ ዔያቶኮ ናኣታ ሜሌ ዓሶና ዎሊ ዔኩዎጉዲ ያኦሲ ሱንፆና ታ ዔያቶ ጫኣቁኔ። 26 ታ ዔያቶም ከኤዘያ፡- «ዒሰራዔኤሌ ካኣቲ ሴሎሞኔታዎ ጎሜ ማዳንዳጉዲ ማሃዘንሣ ዬያጉዳ ሜሌ ዓጮ ወዲሮ ናኣቶቱዎዳዳ? ካኣቲ ሴሎሞኔ ሜሌ ዓጮ ካኣታፓ ቢያ ባሽ ዓሲከ። ያኦሲ ዒዛ ናሸኪ ፔኤኮ ዳሮ ዒሰራዔኤሌይዳ ካኣታሣኔ፤ ዒዚ ጋዳንቱ ሜሌ ዓጮ ላኣሎ ዘሎና ጎሜ ማዳ፣ ዬያጉዳ ጎሜይዳ ሎኦሜኔ። 27 ዓካሪ ኦኤኒያ ዒንሣ ማዳ ጎይያ ሜሌ ዓጮ ወዲሮ ናኣቶ ዔኪ ያኦሲ ዓይሣያኮ ዑሣ ዓኣዲ ዳቢንታኒ ኦም ኮይሳያዳ?» ጌዔኔ።

28 ቁኤሶ ቢያኮ ዑፃሣ፣ ዔሊያሸቤ ናኣቶፓ ፔቴሣ ዮያዳዔኔ፤ ጋዳንቱ ዒዛ ናኣቶይዳፓ ፔቴ ቤትሆሮኔ ካታማ ናንጋሣ ሴንባላጃኮ ወዲሮ ናይ ዔኬኔ፤ ዬያሮ ዬሩሳላሜ ሃሺሲ ዮያዳዔ ታ ከሲ ዳኬኔ።

29 ታ ያኦዛሣዮ! ሃይ ዳራ ቁኤሶንታ ቁኤሶ ዳምቦንታ ኔኤኒ ቁኤሶና ሌዊ ዓሶና ዎላ ጫኣቁ ጫኣቁዎ ዎማይዲ ዒኢሴቱያ ዘጌ!

30 ዬካፓ ዳራ ቢያ ሜሌ ዓጮ ዳሮኮ ዒኣቲ ማዳፓ ፔና ጌኤሻንዳጉዲ ታ ማሃኔ፤ ቁኤሶንታ ሌዊ ዓሶንታ ፔቴ ፔቴሣ ፔ ማዳ ማዳ ዔሪ ማዳንዳጉዲ ዳምቤ ቢያ ታ ገኢጊሸኔ። 31 ሚቹ ዒንጎ ዒንጊያ ሚቸንዶ ሃንጂሎ ጌይንቱ ዎድና ቢያ ሺኢሸንዶ ጎይሣያ ታኣኒ ገኢጊሸኔ፤ ገንሣ ሃሣ ዳራ ቡኩሳ ሃኣኮይዳፓ ቢያ ሃኣኮፓኣ ማምዎ ዓኣፒ ዓኣፓ ባኮይዳፓኣ ቤርታ ካፃሣ ዎማይዲ ዔያታ ዒንጋንዳቲያ ታ ገኢጊሸኔ።

ታ ያኦዛሣዮ! ዬያ ቢያ ማሌ፤ ኔ ሚጪንቲያና ኮሺ ባኣዚያ ታኣሞ ማዳ።

13:23 13:23 ከሲ. ማፃ 34:11-16፤ ላሚ. ዎማ 7:1-5። 13:26 13:26 2ሳሙ. 12:24-25፤ 1ካኣቶ. ማ 11:1-8። 13:28 13:28 ኔሃ. 4:1።

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929